


卷一百九十八元二万〇一
二万〇三〇

194-198



列

百九十八回至
九十八

續文獻通考卷之一百九十四

皇明進士雲間王圻纂輯

封建考 皇明同姓上

皇明

太祖既正大位大 詔天下云昔帝王之子居嫡長者必
正儲位其衆子當封 王爵分茅胙土 錫以其國
朕今有子十人卽位之初已立長子某爲 皇太子諸
子之封本待報賞功臣之後然尊卑之分所宜早定於
是卜吉日廷冊 命王置相傳設官屬定禮儀列爵而

不臨民分土而不任事外鎮邊圉內控雄域猗歟盛哉
二百年以來無變制之虞有請祿之擾自親王以至
中尉自儀賓以及縣君之類繁衍之數倍昔幾何歲計
之恩倍昔幾何國家經費之廣殆無以踰焉吏部侍郎
張治嘗撰封建譜有云班固所謂親親賢賢褒功表德
深根固本不可拔也我朝封諸王於國而政不與焉
其所謂親愛富貴仁至義盡者與

吳元年冬太祖念七子漸長宜習勞遂令內使制麻
履行滕凡出城稍遠馬行十七步十三 洪武二年已

酉設宮相府是年令博士孔克仁授諸子經 三年庚
戌夏四月封子爽等凡十人爲王及其姪孫守謙爲靖

江王禮成遂告 太廟宴群臣於 奉天門文華殿因

諭廷臣曰朕非私其親乃遵古先哲王之制爲久安
長治之道廷臣對曰陛下封建諸王以衛社稷天下
萬世之公議 太祖曰先王封建所以庇民周行之而
久遠秦廢之而速亡漢晉以來莫不皆然 戊子 詔

更定 皇太子 親王等封爵 冊寶之制 皇太子

親王俱授以金冊金寶 皇太子妃 王妃止授金

冊不用寶 皇太子嫡長子爲 皇太孫次嫡子并庶子年十歲皆封 郡王授以塗金銀冊銀印 親王嫡長子年十歲授以金冊金寶立爲 王世子次長子及庶子年十歲皆封 郡王授以塗金銀冊銀印凡 王世子必以嫡長如或以庶奪嫡輕則降爲庶人重則流竄遠方若 王年三十正妃未有嫡子其庶止爲 郡王待王與正妃年五十無嫡子始立庶長子爲 王世子若 王世子襲王及 王世子并 郡王娶妃 郡王受封並 郡王嫡長子襲封 朝廷遣行人 冊命

之禮 郡王子授鎮國將軍孫授輔國將軍曾孫授奉國將軍玄孫授鎮國中尉五世孫授輔國中尉六世孫以下授輔國中尉其有文武才能堪任用者 宗人府具以名聞考驗陞轉如常選法如或有犯 宗人府取問明白其實奏聞輕則量罪降等重則黜爲庶人但明賞罰不加刑責著爲令

秦王

爽

太祖第二子生而岐嶷嚴毅英武年十五受封

秦國西安二十三而之國 上委以關西兵事得專行賞罰每歲秋巡邊大將皆受節制 王軍令嚴肅所過

秋毫無犯未嘗妄殺一人二十七年征西番邁疾卒年四十謚愍子六長尚丙嗣凡十八年卒謚隱次尚列尚

昱尚育尚工尚介永樂十年坐罪降庶人安置泗州宣

德中赦還葬 愍王墓 隱王子四嫡子志亘永樂十

年嗣凡十三年卒謚僖無子庶兄志勻永樂二十二年

以 渭南王嗣凡三年卒謚懷無子弟志繫宣德三年

以 富平王嗣凡二十八年卒謚康長子公易天順二

年以 秦世子嗣凡二十九年卒 王好文睦族知禮

謚惠長子誠永成化四年以 鎮安王嗣凡十一年卒

王好書崇儉有禮謚簡無子以 臨潼子秉雙嗣凡

二年卒謚昭秉雙祖公名臨潼惠簡王父誠采臨潼和

僖王也公名 康王之子至是以孫貴追封 安王誠

采以子貴追封 莊王 昭王三子長惟卓正德四年

嗣已而王請澹關以西鳳翔以東河墾地曰 皇祖以

賜臣先王爽也戶部尚書梁材執議曰陝西外供三鎮

內給四王民困已極視國初生產物力千萬不侔豈得

空地更給諸王從之 詔不許 王事生母蕭氏孝謹

而守臣以聞 上遣 敕旌之嘉靖二十年進黃金千

兩白金萬兩助建 宗廟 詔歲加祿米二百石玉帶

一

晉王岡 太祖第三子母 孝慈皇后 王聰明英銳眉

目秀聳美鬚髯顧盼有威容嘗學文於學士宋濂學書

於錄事杜環年十三受封晉國太原又七年而之國未

幾以罪廢 懿文太子調護得還三十一年春三月乙

未薨謚恭子濟喜嗣永樂初封其弟濟黃 平陽王濟

立 慶成王濟喜子美圭封 晉世子初濟黃狼戾失

愛憾其父并憾濟喜不為解啖 慶成諸王日譖濟喜

於 朝又誘府中官校文織之得罪褫爵美圭亦廢為

庶人濟黃遂嗣王益驕橫百方幽苦濟喜父子 恭王

有老嫗不能平走訴 成祖立 詔獄中 晉府承奉

左徵問之得其狀即釋徵令馳驛召濟喜父子時濟喜

囚空室中已十年先是濟黃亦構誣左徵佐濟喜逆逮

治 京師府中因言徵久死及至一府大驚徵入空室

解濟喜縲紲相抱持大慟濟黃自是怨望出悖語濟喜

父子見 上行在濟喜病憊甚 上見之惻然不直濟

黃遂封美圭為 平陽王俾奉父居平陽 恭王故有

田在連伯灘 成祖以與美圭濟黃奪之美圭以聞

仁宗再三 諭濟黃還美圭不從美圭言連伯灘地隸

平陽不隸太原因及曩誣搆事 仁宗遣人視灘果隸

平陽又書 諭濟黃美圭父子困頓累年詩曰鵲鴿在

原兄弟急難每用吟咏感念無已緬維賢弟同我此心

亦書 諭美圭朕諭晉王讓汝田兄弟叔姪本同一氣

姪事叔益恭愛久當憐汝濟黃得書又聞 朝廷賜濟

喜王冠服遂廣致妖巫府中造呪詛事 仁宗崩又不

服喪 宣宗即位憐濟喜父子時常問勞濟黃呪詛事

益露踪跡自度罪不可解遣人結高煦謀不軌日夜造

兵器 寧化王濟英告變 上曰勿洩擒高煦又得濟

黃交通書 上又曰勿洩濟黃益反側不自安其所遣

詣高煦人又走京師首服內使劉信又奏濟黃擅取屯

糧十萬餘石納護軍欲反應高煦并呪詛事 寧化王

又言濟黃毒殺其母濟黃懼始辭王爵及護衛不聽

上遣 敕召入京示以諸狀濟黃伏地請死 上書

諭諸王去歲高煦反罪人既得奸黨人皆言趙晉二王

實預謀朕未忍信今晉府人累上告變徐察之有驗不

誣趙王自知事不可掩也辭也護衛濟黃得罪宗社不敢

以私情廢大義謹遵祖訓免為庶人屏之鳳陽誅其

同謀及妖巫數人遂復濟喜晉王卒謚定美圭正統初

嗣王卒謚憲子鍾玄嗣卒謚莊

按晉王第三子慶成王生一百子俱長成自封長子餘

九十九人並封鎮國將軍每會紫玉盈座至不識面人

皆龍準此古今極異事也

燕王即成祖皇帝乃太祖第四子

周王肅太祖第五子母孝慈皇后王育于孫貴妃

妃卒服以慈母斬衰三年主喪事受封吳國錢塘已而上

謂浙江財賦地詔工部尚書張允吳府且勿建卜年改開

封國號周即宋故宫為府建文中有告王反逮京竄雲南

諸子並別流尋召還南京靖難兵入首復其爵增祿五千

石尋以開封圮河水建邨洛陽未幾又還開封封其長子

有效為周世子次有動汝南王有亘順陽王有爵祥符王

有喜新安王有光寧王有扁汝陽王有廣鎮平王有弗宜

陽王永樂八年請祀太祖上書諭支子不得祭太祖王國

祀始封之君不許又有告王不靖上遣都御史王彰諭意

王大懼遂還護衛洪熙初加祿五千石通前共二萬石卒

謚定有教嗣卒謚憲無子弟祥符王有喜嗣景泰三年卒

謚簡子后嗣卒謚靖無子弟通許王子防嗣卒謚懿子

同庶嗣卒謚惠子安橫世子早卒以其子睦審嗣贈周悼

王睦卒謚恭世子勤息早卒世孫朝岡嘉靖十八年嗣

楚王真 太祖第六子母 昭敬元妃胡氏至是受封楚

國洪武九年冬十月丁卯之國 王天資英睿 太祖

鍾愛之 王銳情經史嘗錄 御註洪範及大寶箴于

座右以時玩警建文庚辰卒謚昭孟完以世子嗣天性

孝友小心畏義以故靖難初不被譴責所著樂善堂記

求放心論無妄齋說等篇以自省覽正統四年卒謚莊

子季兒以 武陵王嗣卒謚憲無子季叔嗣卒謚康無

子成化元年冊 東安恭定王之子勻屯為楚王弘治

戊申冊其子榮誠為世子正德初 王卒謚靖榮誠嗣

卒謚端子男三長顯容嗣嘉靖乙巳正月辛亥子英耀

弑父顯容獄具 上命公朱希忠祭告 祖廟斬于市

焚屍揚灰同謀者劓于藩書 諭各 王府次子英

嗣

齊王專 太祖第七子國青州嘗兩奉 敕出開平備胡

建文初告王叛召至京廢為庶人與 周王皆繫禁

靖難兵入二王大喜曰吾屬幸不死矣出之復其封尋

封其子賢廷 樂安王賢友 長山王賢察 平原王

專之國驕縱 上賜書 諭飭來朝又 面諭曰無忘

患難時也王益懼遂陰結無賴刺客及僭 帝號呪詛

魘鎮等事又用護衛兵守青州府城北門自廣智門外

接園苑築牆截往來守吏不得登城夜巡有軍人李珙

曾名深等告變 上匿之詔詔索珙且 諭專悔過未

幾入朝 廷臣交章論劾專厲聲曰奸臣又欲喋喋效

建文時殺我耶會當盡斫此輩 上不悅遂留專罷護

衛誅指揮柴真等斥諸府寮畫釋所繫囚及諸造不法

器械 廷議請誅教授葉垣等 上曰專亮暴縱恣性

習使然朕與王君臣兄弟出之囹圄寵以爵祿恩禮渥

洽誠心溫詞開諭至六七不悛教授輩如王何況垣等

先發其事可勿論專益出怨言遂召其子至京並奪爵

宣德三年專及賢廷三子暴卒景泰五年夏五月 敕

南京守備將齊庶人置廬州者移置南京慎防之時齊

庶人賢赫專少子也尚幼會谷庶人絕而齊庶人得其第居焉嘉靖十三年釋高墻庶人長輕即專曾孫云

潭王辛 太祖第八子母 達定妃至是纔二歲受封潭

國長沙十五年之國 王聰敏嗜學善屬文嘗召府中

儒臣設醴賦詩為高下出邸中貲為賞洪武二十三年

以妃家坐事 王不自安 太祖遣使 諭慰且召見

王大懼與妃俱自焚死無子國除

趙王巳 太祖第九子洪武二年生是年受封趙封之日

秦晉燕周楚五王升殿受冊寶 齊潭趙魯四王

宮保抱四王就位受冊寶又明年巳卒

歷諸籍則我太祖實生二十七子而趙王巳王子

南 殤故不傳但趙王於庚戌一歲受封踰年卒則

詔 十子當有趙王也因其未就國故逸之而後人

遂以 蜀王補焉考 蜀王則洪武四年始生也王禕

代封 詔亦有第九子巳為趙王第十子亶為魯

王云

魯王亶 太祖第十子母 郭惠妃陽信公女 王生兩

月而封魯國兗州 王幼聰慧好文學善詩歌年十五

庚戌卒謚

冊曰朕惟有天下者必封建諸子藩屏

帝室所

恪守彝訓永終天年而或有不如願者豈

足慰朕心爾宣教自孩提期于成立及年既長遂錫魯

封夫何之國以來比暱匪人急於政事嘗屈法伸恩冀

省厥咎乃復不知愛身之道以致夭折生封死謚古典

昭然嗚呼父子天性也謚法公議也朕於爾親雖父子

詎得以私恩廢公義今特謚爾曰荒昭示冥漠用示方

來子肇軍永樂元年嗣宣德九年卒謚靖子泰甚成化

三年嗣九年卒謚惠子陽熹成化十二年嗣嘉靖十二

年卒謚莊世子當從早卒十三年以孫觀定嗣王

靖江王守謙

太祖姪孫也文正之子兄

南昌王之嫡

孫初 南昌王早逝文正偕母王氏出避亂與 太祖

失至正甲午間 太祖起濠子母來歸 太祖撫文正

甚愛之比長為擇師文正遂涉傳記長材畧隨渡江定

建康擢樞密院同知辛丑改樞密為大都督府 命為

大都督節制中外諸軍事壬寅夏四月徐達再定南昌

太祖曰南昌非骨肉重臣莫能治之五月受 命統

元帥趙德勝薛顯同叅政鄧愈往鎮南昌特選儒士郭

子章劉仲服爲叅謀文正居守號令嚴飭遠邇震服諸
寨頭目皆招致之止誅其好訟者數人已而有降服叛
者盡繫赴京 太祖曰此等心持兩端不殺何待盡縛
面沉諸江境內肅然癸卯夏陳友諒大舉圍南昌甚危
文正率諸將備禦尤整友諒兵數臨城幾破文正不爲
動守益力八月友諒死文正仍守南昌乃專任掾吏衛
達可等爲心腹達可儉邪人也誘引非道文正日即荒
淫每探奪人妻子入內旣盈其欲輒投之并不欲更
爲他人所狎往往殺人甚衆 朝使至厚遺之以故不

聞時江西新按察使李飲冰僉事凌說廉其實劾奏之
文正懼謀叛降張士誠 太祖大驚曰噫此子不才非

吾自行不可即日登舟抵南昌迫城下文正倉卒謁

上泣曰汝爲何輒起此意遂載與俱歸群臣請伏法

太祖曰吾兄惟此兒乃按其狀得郭子章劉仲服衛達可

等不法誅之 高皇后進曰文正自過江以來克太平

破也先取建康累立戰功令守江西克陳氏亦有智勇

况骨肉親姪請宥之 太祖曰 后言是也釋之免其

官安置桐城尋 命往荊州築城竣事還畿欲用之文

正又出不遜語 太祖欲廢之 高皇后又進曰文正
止是性剛恐無此心文正母見存當念其母子之情曲
赦之 太祖從之 命往濠州墓祭夜與從者嘖嘖有
異志從者以告 太祖遂廢之乃召其子鐵柱語之曰
兒無恐爾父違訓教忘艱難恣亮狡貽我憂我育汝長
且封汝我終不以汝父廢汝未幾文正卒至是封為
靖江王國桂林更名韋尋改今名無何亦以淫虐廢為
庶人使田鳳陽七年復其王益貪暴不法召入京遂錮
之洪武二十五年卒子贊儀尚幼 太祖封為世子留

京比長恭慎好學能書三十年春受 命省 晉燕周
楚齊蜀代肅遼慶谷秦諸王先自湘入蜀歷陝西出河
南上山西抵大同宣府北平東至大寧遼東轉於山東
擇文武忠厚之士以從 上念贊儀年幼欲其知親親
之義且令涉山川險易也永樂中之國卒謚悼僖子佐
敬 嗣卒謚莊簡子相承 嗣卒謚悼順子規 嗣卒謚昭
和 子約 麒 嗣卒謚端懿子經 扶 嗣卒謚安肅子邦 寧 嘉靖
六年嗣

蜀王春 太祖第十一子洪武十一年戊午封為 蜀王

國成都 王母 郭惠妃滌陽王女也 王生於洪武
四年最有賢德沉志學問經藝博洽旁及釋典 太祖
鍾愛之嘗呼爲蜀秀才云乙丑冬受 命閱武于中都
比至首闢西堂以讀書自娛每暇即召儒士探討經史
商確異同沉潜殆忘寢食時翰林編修李叔荆掌中都
國子監事大被親寵明年揭忠孝爲藩四大字以自警
又三年四月召名僧來復入講嘗自爲四箴曰正心曰
觀道曰崇本曰敬賢命復爲記又明年戊辰春建寶訓
堂于殿之西奉 祖訓錄于中先代帝王大經大典咸

列于左亦令復記之召蘇伯衡李叔荆入西堂講道論
文至無虛日又延師儒以教扈衛百官子弟之俊秀者
俾有成立 太祖聞而益愛之三十二年己巳春召還
其年遂之國首賓致方孝儒教 世子永樂三年來朝
二十一年卒謚獻子六長悅兼次悅翟悅尊悅斤悅卯
悅希悅兼早逝謚悼莊子友育嫡孫也永樂二十二年
嗣初友育爲 世孫叔 華陽王悅翟謀奪適 獻王
怒斥去不悛益怒誣友育聞于 朝召一人叔姪自明
比至 成祖崩 仁宗察其誣友育遂得之國未幾悅

翟又走京誣友育 仁宗怒抵奏地下曰適庶大倫于

分誣親獨不畏鬼神子謂侍臣曰悅翟虧忠孝懷奸讒

使歸蜀終亂其國徙武岡州又徙澧州宣德六年友育

卒謚靖無子七年弟友熏以 羅江王嗣九年以風疾

卒謚僖無子叔悅邵宣德十年以 保寧王嗣儉飭守

禮法天順五年卒謚和子友亥善草書天順七年以

世子嗣是年卒謚定子申支嗣成化七年卒謚懷無子

是年弟申穀以 通江王嗣好學能文弘治六年卒謚

惠子賓翰嗣仁厚好儒術正德三年卒謚昭子讓羽嗣

嘉靖十五年守臣奏 王忠孝賢良 上特褒賞二十

年進黃金千兩白金萬兩助建 宗廟 詔歲加祿二

百石玉帶一 王受帶辭祿 世子承翕嗣

湘王白 太祖第十二子國荊州洪武四年八月生母

胡順妃豫章侯胡美女也 王明敏好學能文章嘗開

景玄閣招延俊乂編集墳典尤善道家言自號紫虛子

膂力過人握弓矢刀槊馬上走如飛尤慕古兵法發談

輒有老將所不及者建文初或告 王反 朝廷遣使

即 詔王 王懼縱火焚宮奮身投火 妃從之闔宮

皆死謚戾無子國除葬江陵西大暉山靖難後改謚

命學士解縉撰碑有遭讒害已從容就義不辱其身

不降其志之句云或曰王偽造寶鈔殘害殺人朝廷

其宮乘馬執弓躍入火中死

代王圭太祖第十三子封為豫王至二十四年改封

代王國大同鄭曉云母徐妃武寧王女也或曰王母下邳人

太祖初起兵一日過其家已晚其母曰人言汝當為天子因留宿詰旦太祖辭去母曰後有娠何為識

太祖投以敝梳為識母亦出奩中裝以贈既而果娠遂

生代王及太祖即位子且長矣母携子并識謁太祖命工部別置外館居之不令入宮至是封于代姑述以俟考云王建文時廢為

庶人靖難後復之王稍不自檢嘗與其子遜斗遜育

襲衣冠行市袖鍾斧傷人上聞之貽書戒諭王亦

悔正統十一年卒謚簡世子遜嵩早卒以其子仕廛

嗣十三年贈謚遜嵩曰戾天順七年仕廛卒謚隱子成

東嗣弘治二年卒謚惠子聰永嗣尋坐不法革爵已又

不悛孝宗曰稔惡不悛居喪酗酒荒淫不遵祖訓

難居藩府遂降為庶人并其宮眷安置山西省城十一

年卒謚思子俊文嗣嘉靖三年大同軍叛王東走宣

府上遣光祿卿蕭淮問王六年卒謚懿九年子充

翟嗣請郡王庶子祿禮部言郡王庶子無長兄得嗣郡王者不復得支將軍祿長孫亦如之不許十一年大同軍又叛王亦東走宣府上又遣官問

鄭曉云王父子再遭禍變忠慎自檢得不為諸逆染蠱

嘉靖二十五年將軍充勺等為惡從史誘虜酋小王子入寇大同王自經燬屍

肅王英太祖第十四子初封漢王至二十四年改封

肅王國甘州建文初徙蘭縣永樂十七年卒謚莊

庶長子瞻名二十二年嗣洪熙初增祿五百石宣德初

又請祿宣宗曰朕遵祖訓不敢違遂寢天順八年

卒謚康子祿甲成化四年以洵陽王嗣十五年卒謚

簡子貢宗成化二十三年以汾川王嗣嘉靖十五年

卒謚恭子真於弘治四年封世子嘉靖五年卒謚

安和次子弼光初封鎮國將軍嘉靖十一年改封

世孫十七年嗣贈其父曰靖隆慶四年十一月

肅府輔國將軍縉貴既理府事乃謀襲爵入賂內官陳

洪熈延長王真竟代奏禮部尚書殷士儋以例却之

旨曰極邊重地須用親王鎮之士儋復奏言條例

親王絕非親弟姪不得襲縉貴懷王王從父也而又

駕爲極邊。肅府昔封甘州，誠爲極邊。今徙蘭州，則內地矣。即云邊郡，但選郡王之賢者以理府事，自足扞衛。何必更張以徇私請，而撓公典乎？不聽。

遼王直

太祖第十五子。二十六年癸酉春，封先是居廣

寧城。有司以士馬未集，宮殿未建爲言。上命王駐節

大凌河，未幾召還。京師已卯之國。王諳練邊務，屢

樹奇功。上多所褒賞。王嘗撰忠孝爲藩詩，多爲人

所稱述。靖難後，請封荊州，從之。仍稱遼王。永樂二年之

卒，謚簡子。貴英嗣。是爲肅王、肅王子、靖王、靖王。

子惠王。惠王賢而好禮，嘗開寶訓堂，以珍列聖所

賜宸翰。廖道南曰：予聞諸張陽峰寓史局，稱惠王

賢而未有以覲也。乃閱光澤所修荆志，讀之，益知王

所樹立及觀國史，乃見皇祖封建初意，惓惓以守

邊爲諭。其慮深且遠矣。嗣王徙封於荆，委泰寧、朵顏

、毛憐三衛，遂置廣寧爲孤注，而山海獨石不相應，援門

庭之寇，鎖鑰之防，胡可忽哉。惠王之後，嗣者荒淫不

軌。至隆慶初，廢國。遂除嘗閱國初諸親王府，皆賜

有供祀樂戶，遂盛立妓院。至是，遼王憲節淫于妓，每

潛行院中事多不法巡按部光先以聞輔臣張居止與
遼王有隙遂遣刑部侍郎洪朝選就訊坐以淫酗憲
節錮高墻國除自是諸王府皆廢妓院時隆慶初年
也

慶王旃

太祖第十六子國寧夏王母余妃先二十四

年封慶陽至是徙韋州建文三年冬移寧夏永樂初許
歲一至韋州度暑宣德初上言寧夏旱濕水泉惡乞仍
居韋州不許許如永樂例未幾護衛人告王反上
致書諭王小人誣叔祖置之法慎勿疑內臣馬安住

自寧夏歸言王以謗故不自安上又書諭王五

年請入朝不許王遂請移家寧夏如永樂洪熙得往來

韋州許之正統十三年卒謚靖子秩金嗣景泰元年以

虜數入寧夏王與其弟安化王秩各上書乞徙內

地不許又言冕服以紗製請易紵絲上曰祖制朕

不敢易成化五年卒謚康子邃雖成化七年以平涼

王嗣十五年卒謚懷弟邃屏成化十七年以岐陽王

嗣弘治四年卒謚莊子寘叔弘治七年以洛交王嗣

十年卒謚恭子台允弘治十六年嗣嘉靖初謀不軌

廷議請如代王聰禾例徙四安不許降庶人留卽歲
與米三百石已又不悛十一年巡撫都御史楊志學巡
按御史毛鳳韶等奏王怙終稔惡無復改圖殘虐冢
子衆叛親離及稱寧夏爲極邊要鎮往因台允之變深
貽西顧之憂今諸王構忿妄生事端以致驚疑人心
乞要將伊遷發用絕厲階于是禮部侍郎夏言題乞比
照聰禾例遂及其宮眷等二十人安置陝西城中言又
題稱台允雖經革爵迄今見存若預將伊子裔質冊
立爲王考之典禮旣屬無稽揆之名分亦有未順乞照

代府長子俊又例准封爲世子令其管理府事從之
十二年世子及懷王妃王氏乞恩留台允故卽禮
官執議不可十五年兩宮徽號恩詔許台允還卽仍
與官帶

寧王薨太祖第十七子十四年封國大寧王多智善
謀從成祖起兵靖難及成祖正大位因乞改南
王初欲得蘇州成祖曰蘇州圻內不許又欲得杭州
祖曰五弟初封錢塘爲吳王皇考以爲不可改
開封建文無道封其弟兄通爲吳王竟不克享建寧荆

續文獻通考
州重慶東昌皆善地惟弟擇焉 寧王得書遂出飛旗
令有司治馳道 上大怒 王不自安屏衛兵五六老
中官走南昌稱病卧城樓乞封南昌從之即藩司為府
第居焉人有告 王誹謗巫蠱 上書 諭敕之 王
乃稍自戢洪熙初又言江西非其封國請改封 仁宗
曰叔受封 先帝已二十餘年朕不敢違宣德初恃大
父行徃徃恣橫請于 朝命三司官着朝服如 天子
儀入賀元旦長至千秋等節仍習儀鐵柱觀副使石璞
以聞 詔切責之時 廷議宗室將軍祿米視品 王

抗言宗室安得有品詞不遜適 漢府以叛誅 上厲
詞荅云將軍中尉有品 祖訓也 王不得棄 祖訓
肆煩說 王即不謹非獨群臣有言不已天下人心亦
不容已徒恃尊屬誣讒 朝廷典憲具存朕不敢庇尋
乞灌城田不許遂托志神仙正統十三年卒謚獻子五
人長盤式未嗣卒謚 莊惠世子次盤軍 臨川王以
罪廢為庶人幽高墻盤兆 宜春王盤主 新昌王盤
莫 信豐王景泰元年盤式子奠音以世孫嗣七年坐
事革護衛弘治四年卒謚靖子覲易嗣十年卒謚康子

宸濠嗣母出馬計兒故娼也正德中以叛誅國遂除

岷王便 太祖第十八子二十七年封 王與 湘王同

母生而英毅沉重有謀先是受封雲南建文時遣西平

侯沐晟偵 王過遂被譴流漳州靖難後召還復爵永

樂二年改封武岡卒謚莊子徽夜立卒謚恭 恭王子

順王 順王子簡王 簡王子彥天嗣天資俊逸獵情

經史尤善詩工畫

谷王惠 太祖第十九子二十七年封國宣府 鄭曉云

王與 蜀王同母即 如意王是也建文初 召入

京坐罪廢為庶人 命守金川門靖難兵至庶人開門

迎謁 成祖正大位 賜雅樂七奏衛士三百及金綺

寶鈔鎗劍與馬增祿三百石徙封長沙茹瑄過其國不

朝被繫死有司以聞 上心愈疑遣監察御史歐陽謙

偵伺之謙具以逆奏庶人懼自焚死國除

韓王公 太祖第二十子國開原永樂五年卒謚憲子冲

或永樂八年嗣二十二年改平涼正統五年卒謚恭子

範已正統七年以 開城王嗣九年卒謚懷弟範仰正

統十一年以 西鄉王嗣景泰元年卒謚靖子徽十景

泰元年以高陵王嗣成化五年卒謚惠子偕充以

廣安王嗣十年卒謚悼弟偕鶯十二年以彰化王嗣

弘治十四年卒謚康無子弟之子旭遷一年以通

渭王嗣嘉靖十三年卒謚昭子融遂十五嗣請食鹽

食茶戶部言茶易戎馬鹽供邊餉不許世子謨典鄭

端簡公曰諸王惟韓土瘠祿薄人衆甚貧往往凌劫

有司平涼知府吳世良鄺珩任守德王松皆被窘辱旭

庖等百五十人至闡總制尚書吁至今日諸王府祿

米奚啻一韓已耶

潘王漢太祖第二十一子二十四年封國潞州王母

趙貴妃永樂六年之國宣德六年卒謚簡子佶享八

年以武鄉王嗣景泰中王父子與州官數置酒大

會巡撫朱鑑以聞有旨凡諸王非時令萬壽節不

得輒會飲酒著為令天順元年卒謚康王九子長天

次幼學天順三年嗣正德元年卒謚莊子全正以

西陽王封世子嗣嘉靖六年卒謚恭無子弟全禾初封

靈川王卒謚恭懿以其長孫胤多十年嗣子恬交封

世子

安王盈 太祖第二十二子洪武二十五年封國平涼永樂十五年卒謚惠無子國除仍留典仗校尉百人守園陵

唐王瑑 太祖第二十三子洪武二十四年封國南陽

王母 李賢妃永樂六年之國十三年卒謚定子瓊瑑

永樂十九年嗣宣德元年卒謚靖無子弟瓊旦三年嗣

成化十一年卒謚憲世子先卒次芝止十五年以舞

陽王嗣二十三年卒謚莊子彌帝以穎昌王嗣嘉靖

二年卒謚成無子文成王彌甘之子宇盈四年嗣贈

父曰恭二十一年 王獻金千兩銀萬兩助建太廟

賜玉帶一增祿二百石

郢王東 太祖第二十四子洪武二十四年封國安陸之

國六年卒謚靖無子國除 王母 劉惠妃

伊王彝 太祖第二十五子洪武二十四年受封國河南

永樂六年之國歲祿僅二千石卒謚厲子顥史嗣卒謚

簡子勉得正統八年以上洛王嗣天順八年卒謚安

子諤九成化二年嗣十一年卒謚悼無子弟諤孚十二

年以邾城王嗣正德三年卒謚定子訐鼎弘治三年

封世子正德六年嗣嘉靖五年卒謚莊無子弟訂享六年以濟源王嗣訂享言祿薄先朝乞得河南課鈔五萬七千七百貫准祿米八年革諸王乞稅租田湖伊府課鈔亦在革中乞補祿戶部言伊祿二千石通給本色英宗加米五百石憲宗又加麥一百五十石課鈔本成化弘治正德年請乞非永樂以前欽賜比况河南一省諸王缺祿八千餘萬石不許二十一年卒謚增敬子典英以世子嗣嘉靖末有罪國除南太祖第二十六子在諸王中最少洪武二十六年

十二月生未逾月而卒

按金聲玉振載天潢玉牒云太祖皇子二十四人第

四子今上第五子周王高台所生也長懿文

太子第二子泰愍王第三子晉恭王諸母所生

也第六子楚王第七子齊王第八子除名潭王

第九子魯荒王第十子蜀王第十二子代王第

十八子谷王第二十二子唐王第二十三子郅

王第二十四子伊王皇妃所生也第十子子湘

獻王第十三子肅王第十九子韓王第二十子

潘王 皇貴嬪所生也第十四子 遼王第十五子

慶王第十七子 岷王 皇貴人所生也第十六子

寧王第二十二子 安王 皇美人所生也載頗不同

姑記以俟考云

續文獻通考卷之一百九十四終

續文獻通考卷之一百九十五

皇明進士雲間王圻纂輯

封建考 皇明同姓下

太祖洪武戊寅建文即位夏閏五月十六日封 皇弟允通為

吳王 允堅為衡王 允熙為徐王又有 虞王者

懿文太子之長子也名雄英洪武十五年生五月朔卒

追封 虞王謚曰懷莖鍾山 是年廢 周王肅為庶

人從雲南時 諸王各擁重兵流言 諸王謀不利于

社稷又聞 燕府密協 周齊湘代岷起事 建文

一日御東角門 召齊泰黃子澄至有隱謀子澄首建
削奪議請如漢七國故事 建文惟二人為聽又一日

朝罷召子澄入曰先生憶昔東角門之言乎子澄對
曰不敢忘也然事幾須密子澄退遂及齊泰謀之泰曰

燕王志不小且握重兵宜先子澄曰 燕難猝圖宜
先 周周削 燕之手足剪矣 上遂遣曹國公李景

隆調兵猝至河南圍之執 周王及其 世子宮眷等
至京削為庶人遷之雲南 遣 代王 如蜀時 蜀

王以賢聞 代王貪虐不靖 朝廷不忍違親方孝儒
請以德化導之遂有是 命蓋使之相觀于蜀云 閏

五月 燕王入臨至淮安而返初 太祖大漸 遺詔
諸王哭臨惟在本國毋得奔走又令 王國所在吏

民軍士悉聽 朝廷節制至是 太祖崩 朝廷遵
遺詔止 諸王 諸王皆怒 燕王至淮安齊泰言于

上遣使齎 敕符勒歸遂還燕 十月 燕府簡壯
士為護衛 初太祖 勅諸王得自選兵及是 燕聞

自備 十二月 召齊王 專入朝免為庶人遂拘留之
齊黃議加兵 藩封又 周王見執因以

已卯 建文元年夏削 岷府護衛誅其指揮宗麟 岷王

性頗亮悖遂及西平侯構怨 朝廷降 勅切責之革
其護衛以麟導惡誅之 詔 王國所在惟國事聽
王其文武吏士聽 朝廷 王不得節制 九月朔監
察御史韓郁上疏云臣聞人主親其親然後不獨親其
親茲 陛下講之有素行之方篤而佐之無人以致激
變蓋 諸王以言其親則 太祖之遺體也以言其貴
則 孝康之手足也以言其尊則 陛下之叔父也彼
雖可廢而 太祖之遺體不可殘也親之手足不可缺
叔父之恩不可虧也且使 二帝在天之靈子孫身爲

天子而使厥子厥弟遭殘戮是則其心何如哉臣每
念至此未嘗不爲之流涕也此皆殘酷豎儒持一己偏
見廢天下之大公或者病 藩封之太重謀貶削之權
衡疑之太過慮之太深所以流而至此也方 周王不
軌之際進言則曰六國反叛漢帝未嘗不削也執法則
曰三叔流言周公未嘗不誅也遂使 周王父子流離
播遷有甚于周公之誅管蔡者矣夫唇亡齒寒人人自
危 周王旣竄 湘王自焚 代王被廢而齊臣又告
王反矣爲計者必曰兵不舉則禍必加是則 朝廷

執政激之使然 燕舉兵兩月矣前後調發者不下五十餘萬而一矢無獲謂之 國有謀臣可乎將不効謀士不効力徒使中原無辜赤子困于道路迫于轉輸民不聊生日甚一日 九重之慮無已出入帷幄預 國大事者方且洋洋自得若無事然由此觀之彼其助陛下用削 藩國者果何心哉諺曰親者割之而不斷踈者續之而不堅殊有理也 陛下誠不察此臣愚以爲不待十年必有噬臍之悔矣伏望少垂洞鑒興滅繼絕釋 齊王之囚封 湘王之墓還 周王于京師迎

楚蜀爲周公俾其各命 世子持書勸 燕罷兵守藩以慰 宗廟之靈明 詔天下撥亂反正篤厚親親 宗社幸甚不報

前軍都督府左斷事高魏上書借漢爲喻略云漢高祖提三尺劍滅無道秦大封同姓分王天下之半雖曰遠慮然卒遺文景以不治之痼疾賈誼治安疏所謂股大子腰指幾于股者也賴文帝含忍容之尚不免于斗粟尺布之謠景帝雖寬厚然輔以晁錯之深刻遂挑六國之禍非命將得人民心輔漢幾危社稷則錯不能辭其

經子廣通考
責矣我 太祖高皇帝之起與漢高同而神武過之中
國既定體三代之良法擇形勝之要地封建 諸子陝
西百二山河其人鷙悍西鄰土番故以 藩王之長
秦府王之山西表裏山河地產良馬而其人剛壯所謂
山西將者是也北近于胡虜故以 晉府王之 燕國
雖無名山大川之限隔其南冀州真保大名等府所謂
桑土之野坦平肥沃供賦饒衍北雖沙漠不毛然廣蓄
馬羊其人不耕不蚕皮衣肉食弓馬是務遼金殘元籍
之以興故以 燕府王之四川雖曰西南一隅山川阻

深劉備據之虎視吳魏故以 蜀府王之其餘 楚湘
齊充寧遼代谷慶肅星羅棋布比之古制雖皆分封過
當然 太祖之意欲護中國而屏四夷也今各處 親
王多驕逸不法違犯 朝制不削則紀綱不立削之則
傷親親之恩有難處者賈誼曰欲天下治安莫若衆建
諸侯而少其力力少則易使以義國小則無邪心當今
之世以臣愚見不宜用晁錯削奪之策當行主父偃下
推恩之令 秦晉燕蜀子弟分王于齊兗吳楚潭湘子
弟分王于 秦晉燕蜀其餘 寧遼代慶肅等府比類

而分王之以少其力而減其地如此則藩王之權不
削而自弱矣臣又願陛下益隆親親之禮歲時伏臘
使人饋問其賢如漢之河間東平者下詔褒賞驕溢
不法如淮南濟川者初犯則容再犯則赦之三犯而不
改者當告親王告太廟削其地而廢處之豈有不
順服者哉夫天下亦猶夫人之身也昔賈誼見漢諸侯
彌盛故以脛腰指腹爲喻今臣則以一身百體爲譬
皇上乃天君一心也諸藩封則五臟耳目鼻口暨
手足也五臟酸甘嗜欲不同手足安逸亦異至如目好

色耳好音紛紜不齊苟天君從百體之好則何以具衆
理而宰萬物亦在乎制其撓吾心者而已醫書云智者
能調五臟五臟旣和不惟無腹心之疾雖疥癬亦無自
生也噫五臟和而一身安一家和而天下安孟子曰言
舉斯心加諸彼而已不報

按二疏則當時諸臣謀國之疎亦可槩見孰爲齊秦黃
子澄方孝儒之死而盡非其罪也耶

洪武壬午夏六月己巳成祖初政復周王棗齊

王專封爵是年降吳王允通爲廣澤王居福建衡王

允聖為懷恩王

居江西建昌

徐王允熙為敷惠王

隨母居

呂

太子

永樂元年癸未夏

賜書戒

代王圭及

降

岷府官職事初二王在建文時以不道譴至是

代王仍縱暴殺人取物

岷府所為多不法擅拘諸司

印激變夷人故罪之

二年甲申春三月封次子高煦

為漢王三子高遜為

趙王改

敷惠王允熙為

甌寧王降

廣澤王允通

懷恩王允堅為庶人

王不能諫
正建文也

詔曰帝王之道立愛惟親為子不祇不及

于父朕

皇考

皇妣咸有一德克享

天心創業

垂統傳之萬世朕

長兄

懿文皇太子降生弗永胤

子允文幼冲嗣位昏愚自暴顛廢成章崇信奸邪戕害

骨肉天下蕩然

社稷幾墜朕惟

祖宗積德之勤

父皇母后創業之艱不得已起兵賴天之祐內難廓

清允文罪惡貫盈闔宮赴火諸臣民同詞勸進朕以

宗社為重勉狗輿情

君臨大寶長兄諸王允通允堅

仍襲王封不意允通允堅弗知省躬自生疑懟朕以長

兄至情不忍譴責免為庶人以保全之朕痛切于心常

存念慮長兄未有承嗣其第四子允熙生有四年矣茲

特封歐寧王世守 懿文皇太子之嗣嗚呼協和之道

睦族為先惇叙之仁繼 祖為大用展同氣之親庶續

親親之義考吳庶人永樂十三年卒 英宗復辟出吳

庶人居鳳陽但有庶母姊妹老嬪五六人時 十四

年八十矣 歐寧王以奉太子祀未之國永樂 十四

四年宮中忽火起驚仆地卒年十六 謚哀簡 十四

年丙申春二月 谷王 惠有罪徵入京免為庶人 國

除初靖難兵起 王走還京及靖難兵渡江時 王守

金川門開門迎 駕 成祖正位寵賜甚優官其護衛

指揮僉事張興為都督僉事儀衛正張成為都指揮使

已而改封長沙在國驕橫時尚書茹瑺道長沙不朝見

被劾奏繫獄死 王益肆無忌造戰船弓弩器械招匿

亡命習兵戰陣日與張成及宦者吳智劉信等謀拜成

師尚父智信國老又偽作讖書以為讖有十八云我

高皇十八子陰傳播惑眾又製巧燈上獻擇壯士入

朝架燈又選壯士習音樂與燈並進欲乘間為變又奪

民田侵公稅殺無罪人時長史盧廷綱以強諫磔殺張

興懼禍及已因奏事北京白其狀 上未信興過南京

啓 太子曰臣冒死以聞 上顧不信臣言臣萬死願

殿下垂聽憶臣言他日得無連坐族臣臣死不朽 惠

又遣劉信持所為讖致書 蜀王為隱語曰德蒼時不可言桓文之事桓文時不可言德蒼之施欲結 蜀王為援 蜀王切責不聽已而 蜀王子 崇寧王悅尊得罪于父投惠惠納悅尊因詭眾曰往年我開金川門出建文君建文君今在我宮中我將舉事為建文君復辟事將發會 蜀王上變 成祖嘆曰朕待惠厚不宜有此心 蜀王忠孝又不宜欺我張興為我言我不忍信今果然 命中官特 勅諭惠遣悅尊還蜀惠不意使猝至不得已就徵十月至京入見 上出 蜀王疏

惠頓首伏罪請死時成國公朱勇都御史劉觀及諸大臣 廷劾惠曰周辟管蔡漢戮安長皆大義滅親 陛下縱念惠奈天憲何 成祖曰惠朕弟朕且令諸兄弟議明年正月 楚王貞等各上議曰惠違 祖訓謀為不軌踪跡甚著大逆無道罪誅不赦 成祖曰 諸王奉大議 國法固爾吾寧生惠二月削惠及其二子賦禽爵為庶人誅諸通謀者與以先發庶人罪狀得免至景泰五年徙谷庶人賦欣安置南京不再傳亦絕其居第并于齊庶人云 二十二年冬十月封 次子

瞻友等八人為王初瞻良永樂十九年卒葬西山至是

贈蘄王

鄭王瞻友成祖第二子母李貴妃國鳳翔正統八年

往懷慶成化二年卒謚靖子初英弘治八年卒謚簡先

是世子見茲卒以子祐公封世子尋嗣王贈父曰僖祐

公正德二年卒謚康無嗣見茲弟東坦端惠王見貢

子祐畢嗣王贈父曰定祐畢十六年卒謚懿子厚完嘉

靖六年嗣世宗南狩王出迓詔歲加米三百石

後以諫事立削爵錮高墻隆慶元年復國加祿米四百

石

越王瞻庸成祖第三子受封越王未之國卒謚靖葬西

山

襄王瞻善成祖第四子母仁皇后國長沙宣德四年

之國正統元年徙襄陽已巳之變王上章聖烈慈

壽皇太后請發府庫募勇敢圖恢復以鞏宗社後

英宗于宮中檢得其疏召王入朝相見甚歡宴便

殿王避席請曰臣過汴汴父老遮道言按察使王槃

賢被誣詔獄臣途中詢槃人咸謂槃冤願皇上加

察 上立命法司雪槩陞辭 上送至午門 王伏地

若有請 上曰叔父欲何言 王頓首曰萬方望治如

饑渴願 皇上省刑薄斂 上拱手謝曰謹受教四年

又入朝 上為峴山漢水賦襄陽四景歌 賜之成化

戊戌卒年七十三謚憲子祁庸嗣弘治元年卒謚定子

明年卒謚簡子祐才嗣十七年卒謚懷無子

以 光化王嗣

荆王瞻

岡

成祖第五子母

張順妃國建昌宣德四年

之國正統四年徙薊州

王天資秀敏嗜學每遇

朝

廷大慶必祗慎肅恭初無倦容尤善屬文景泰四年卒

謚憲子

祁高

嗣天順五年卒謚靖子見

肅

嗣弘治五年

坐不法

命太監蕭敬駙馬都尉蔡震都御史戴珊

召王至遂并其長子祐

丙

降庶人安置武昌見肅弟見

專 成化二年封

都梁王十三年卒謚悼惠子祐

間

弘

治七年以

都梁王嗣十七年卒謚和子厚

全

嗣

淮王瞻

與

成祖第六子母

李賢妃國韶州正統元年

徙饒州十一年卒謚靖子祁全嗣尋卒謚康世子見廉

早卒以弟清江王見 殿子祐 啓嗣嘉靖三年卒謚定無

嗣弟鎮國將軍祐癸四年嗣十六年卒子厚壽嗣

滕王瞻嵩成祖第七子母郭貴妃年十七卒于京謚

懷莖西山

梁王瞻自成祖第八子母恭肅郭貴妃國安陸宣德

四年之國正統六年卒謚莊無子國除

衛王瞻延成祖第九子封惠王未之國正統三年卒

謚恭無子國除

邠王祁玉宣宗弟宣德十年乙卯春正月封正統十四

年秋七月以邠邠王居守後即位是為景皇帝

天順元年春三月六日封次子見彝等四人為王歲

祿各本色米萬石

德王見彝英宗第二子國德州尋改濟南成化丙戌之

國乙巳以南旺湖請詔以漕渠故不許正德戊寅卒

謚莊子祐容正德辛巳嗣嘉靖庚子卒謚懿子厚敦巳

封世子卒謚懷順子載荅嗣追贈父厚敦曰懷景泰元

年五月丁未遣正使都督張軌副使吏部尚書何文淵

持節封裕陵第二子見青為榮王鄭端簡曉曰

即德王也但又二名未詳

秀王見討

英宗第五子母

高淑妃景泰三年生于南

城成化二年封

秀王國汝寧時左長史劉誠獻千秋

日鑒錄

王閱之大喜比就封在途久民以為病左長

史言之即令趣行抵國

王所居隘一宦監言先師廟

廣請移居之不聽卒謚懷墓西山無子國除

崇王見

畢

英宗第六子國汝寧成化十年之國弘治八

年秋七月傳旨

祖母聖慈仁壽太皇太后年高念

叔崇王欲得一見便寫

敕差官取來時禮部尚書倪

岳上疏云今日之事有未便者三近聞黃河泛漲水高

于岸平日波流湍急舟行已難加以泛漲洶湧必異常

時王欲來朝乃舟楫必經之地驚震之患所不能無

保護之責誰敢當之此其未便者一也河南彰德衛輝

二府自春徂夏一雨不霑寸草不生赤地千里人民流

動殆三之二夫馬艱窘不言可知王欲來朝乃車馬

必經之地不獨供億之費無所給萬一盜賊乘時竊發

震驚之患所不能無保護之責誰敢當之此其未便者

二也二年之間三王之國近自京師之軍民遠而所

過之郡縣百倍供需十分騷擾官無所措手足不能聊

生言之可為寒心見者欲為流涕今若加以 崇王來朝先聲所及人心驚疑送往迎來勞費倍增瘡痍之民何以當此此其未便者三也又云奉 命來朝雖少遂一時欲見之心然欲別則難免眷戀不捨之情既去必倍增憂思不忘之念他日上厯 聖慮所未敢言雖欲悔之殆無及矣奉 旨卿說的是但朕承順 聖祖母之意已有 旨既而下 制曰免 王來乙丑卒謚簡長子祐寧嗣正德辛未卒謚靖長子厚 翼嗣嘉靖丁酉卒謚恭長子載 竟嗣時 王乞修府下巡撫議費銀八

萬七千兩工部言 親王修府例役護衛儀牧人不得輒勞民 上不允十九年 王請父 恭王墓表禮部言 韓府襄陵莊穆王卒 憲宗嘗允其子範請令詞臣撰銘刻石 崇王曾祖皆嘗賜墓表請如 王奏上諭之曰 宗室薨逝給壙誌此 祖宗典制安得有賜表事 襄陵王立石已非例 韓崇兩王表墓皆先朝誤恩後有 王家乞請禮部宜考 累朝體例議覆

吉王見 爰

英宗第七子景泰丙子生有異質既長尤嗜

學 慈懿皇太后尤鍾愛之國長沙成化乙未出就國

嘉靖丁亥卒年七十二謚簡子祐夫弘治四年封 常

山王尋進封世子明年卒謚悼莊長子厚冒封 吉世

孫嘉靖己丑嗣十年贈父曰悼明年乞長沙府湘潭商

稅不許卒謚定長子載自十九年嗣

許王見享 英宗第四子母 王惠妃景泰初封 許王

未之國三年冬十一月卒于京葬西山國除

忻王見台 英宗第八子母 宸妃某天順二年生九歲

封 忻王七年卒于京葬西山國除

徽王見市

英宗第九子 韋妃生天順年封徽弘治年

卒謚莊傳至載令削爵錮鳳陽

興王祐

憲宗第二子先封為 興王國安陸弘治七年

始就封生子一後即位位是為 世宗追上 興王徽

號曰 睿宗

岐王祐命

憲宗第四子封為 岐王國德安既就國弘

治中請迎養母不許 詔諸王有子別居者得迎養其

母母有子多亦從一子無子者移別宮著為令 王尋

卒謚惠無子國除

益王祐賓 憲宗第五子封 益王國建昌母 張德妃

嘉靖十八年卒謚 子四長厚華正德四年封世子後

嗣王

雍王祐雲 憲宗第八子封為 雍王國衡州弘治四年

之國正德二年卒謚靖無子國除母 孝惠太后生三

子一興王及一雍岐二王也

壽王祐耆 憲宗第九子封為 壽王初國保寧正德元

年徙德安嘉靖年卒謚定無子國除

汝王祐享 憲宗第十子封為 汝王國衛輝弘治十四

年之國嘉靖十八年 車駕南巡 王出迎于途甚恭

上喜加歲祿五百石 賜金幣嘉靖末卒無子國除

涇王祐舜 憲宗第十一子封為 涇王國沂州母 楊

恭妃弘治十五年之國卒謚簡子厚全嗣未幾卒無子

國除長史沈澗以 王卒故得南京鴻臚少卿

榮王祐區 憲宗第十二子封為 榮王國常德弘治四

年封 王生而英悟博藝善文嘉靖五年 御題崇議額

賜之 王益謹慎十八年卒謚莊子六長厚勳正德

中封世子早卒謚懷穆子載堇嘉靖十八年嗣追贈父

曰懷

申王祐皆 憲宗第十三子封為 申王與 涇王同母

五歲受封四川之叙州尋卒謚懿無子國除

衡王祐軍 憲宗第十六子封為 衡王國青州尋卒謚

恭

蔚王厚帝 孝宗第三子母 孝康皇后 王早夭謚悼

堇西山

岳王厚配 睿宗長子母 章聖皇太后弘治十三年六

月生五日而卒嘉靖丁亥十一月壬寅贈 岳王謚

懷墓在承天 上命大學士楊一清撰碑文有曰 王

生而月華呈瑞五日大風揚沙人甚異之而 王薨

裕王御名 世宗第二子嘉靖十八年己亥春二月朔封

四十五年登極

景王載川 世宗第三子辛酉之國德安乙丑春正月薨

謚恭無子國除長史以下皆奪職

潞王翊 穆宗第二子封潞王萬曆二十年之國衛輝

福王 今上第三子

瑞王 今上第五子

惠王 今上第六子

桂王 今上第七子

已上俱萬曆二十九年九月二十二日封之

諸王

...

...

...

...

續文獻通考卷之一百九十五終

少

續文獻通考卷之一百九十六

皇明進士雲間王圻纂輯

封建考 皇明封建事例

太祖定天下首追封同祖之親凡十五王 壽春王 祖

安豐王 霍丘王 下蔡王 蒙城王 俱 壽春王 子

都梁王 六安王 來安王 英山王 俱 安豐王 子

寶應王 霍丘王 臨淮王 南昌王 盱眙王 皆 子

太祖之兄 山陽王 改 靖江王 南昌王 招信王 盱眙 子

王之 洪武己巳始定 宗人府以掌其事凡 東宮親 子

王位下各擬名二十字日後生子及孫即以上聞付宗人府立雙名每一世取一字以為上字其下字臨時隨意選擇以為雙名編入玉牒至二十世後照例續添如東宮位下則曰允文則祖訓鎮武大君勝訓道宜逢吉師良善用晟燕王位下則曰高瞻初見祐厚載翊常由慈和怡伯仲簡靖迪先猷之類是也八年乙卯定諸王宗人祿米歲親王米五萬石鈔錦紵絲紗羅絹布綿鹽茶粟又萬計靖江王二萬石郡王六千石鈔等減十九郡王諸子年十五人賜田十六

頃為永業除其租是年定王邸殿門名二十年丁卯秋詔給親王歲祿五萬石停茶鹽布絮勿給

二十五年壬申春正月太祖御奉天門手勅以賜

諸王有云常歲訓將練兵驗視周迴險易造軍器務要精堅堪用庶使奸邪難以口舌惑聽遂召修撰許觀練子寧編修吳言信等執筆聽書畢太祖顧皇長孫即建文曰汝諦閱之當使邊塵不動貽汝以安也自是

諸王得專制國中提兵防禦地大權重易生驕僭時葉居升應詔詔陳言極論分封大侈太祖怒曰小子

敢問吾骨肉吾見且切齒可使吾兒見乎速取來吾將手射之且啖其肉逮至庾死刑部獄後無敢復言者

雙溪雜記云 國初天下 諸王皆置護衛有兵權至

太宗靖難後遂皆革罷不許來朝豈亦有感于居升

之言耶居升字伯臣 二十六年戊辰 賜諸王永鑑

錄 二十八年乙亥秋八月更定 宗人封爵冊寶之

制 皇太子及 親王金冊金寶 皇太子妃及妃止

授金冊 皇太子嫡長子為皇皇太孫 次嫡子并庶

子年十五皆封郡王 郡王授以塗金銀冊銀印 親王嫡

長子年十歲封 皇世子授以金冊金寶庶子年十歲

皆封 郡王授以鍍金銀冊銀印凡 王世子必以嫡

長以庶奪嫡降為_庶人重則遠竄 王年三十 正妃未

有子庶子止封 郡王侯王與妃年五十無子始封庶

長子為 王世子凡嗣封受封細妃 朝廷遣使行

冊命禮 郡王次子授鎮國將軍職三品次孫國_輔國將

軍職四品次曾孫奉國將軍職五品凡三等次玄孫鎮

國中尉職六品次五世孫輔國中尉職七品次六世孫

以下奉國中尉職八品凡三等 親王女曰郡主 郡

王女曰縣主 郡王孫女曰郡君 郡王曾孫女曰縣
 君 郡王玄孫女曰鄉君凡五等 靖江王府視 郡
 王降一等 宗人有文武才能堪任用者 宗人府以
 名聞考驗陞轉如常選法有犯 宗人訊問量罪降等
 重者斥為庶人罰而不刑是年秋九月壬寅更定 親
 王祿米先是 太祖謂戶部尚書郁新等曰朕今子孫
 衆盛原定 親王歲用祿米各五萬石天下官吏軍士
 亦多俸給彌廣其斟酌古制量減 各王歲給以資軍
 國之用至是戶部議更定 親王歲給米萬石 郡王

二千石鎮國將軍一千石輔國將軍八百石奉國將軍
 六百石鎮國中尉四百石輔國中尉三百石奉國中尉
 二百石公主及駙馬二千石郡主及儀賓八百石縣主
 及儀賓六百石郡君及儀賓四百石縣君及儀賓三百
 石鄉君及儀賓二百石遂遣使 召諸王至京 諭以
 減祿米之故政見聖記因以 祖訓錄賜之 三十一年
 勅遼寧諸王據邊場禁牧勿侵民田 是年冬命 王
 府官不得三六九載考覈 永樂年間 詔加鎮國將
 軍一品輔國將軍從二品奉國將軍從三品鎮國中尉

從四品輔國中尉從五品奉國中尉從六品

凡親王封典

今上萬曆十年議准 親王薨逝其子應襲封及 世孫

承重者先請 勅管理府事俟服制已滿方許請封不

得服內陳乞 正德四年例 若薨而絕嗣許親弟親姪進封為

親王如無親弟親姪以次推及倫序相應者進封該

有期功服制亦先請 勅管理府事俟本等服制滿日

請封日後子孫除承襲 親王外其餘俱照依原封世

次授以本等爵級不准加封若嘉靖四十四年例前加

封者姑准照常傳襲例後加封者查照世次改正其進

封者所支祿米如原係 郡王仍支 郡王祿原係將

軍中尉仍支將軍中尉祿日後子孫襲 王亦照始進

封之祿支給 萬曆七年例

凡追封 親王

世宗嘉靖八年令凡孫襲祖爵者得追封其父母曾孫襲

曾祖爵者得追封其祖父母父母旁支襲爵者得追封

其本生祖父母父母妻先故者得追封為妃 郡王同

今上萬曆七年議准 世子早逝其子承襲而追封者子

孫封爵姑免查革若原非聽繼 親王人數特以子進封而得封者雖在例前其次嫡庶子止授本等官職已封者姑俟終身其子改正若追封在例後者雖係世子其次子止照原議授以本等官職 十年議准 親王薨逝 世子先故或以孫承襲而追封 世子為親親王或 親王故絕旁支進封而追封其父為 親王其次子以下俱照依原封世次授以本等爵級不准加封若嘉靖四十四年例前加封者姑准照常傳襲例後加封者查照世次改正

凡郡郡王封典

今上萬曆十年議准凡 郡王薨逝原與 親王同城者其子孫服滿之日照常請封若另城者應襲子孫先請勅管理府事亦候服制滿日請封故絕者俱不得襲封與 親王同城者其宗支自奉 親王約束止許推舉倫序相應之人以本等爵職請 勅奉祀另城者許推舉一人以本等爵職請 勅管理府事亦不得陳乞繼封正德四年 若以郡王郡進封封 親王者其郡爵亦不許補襲請 勅奉祀如前例 嘉靖四十四年例

凡追封 郡王

今上萬曆十年議准 郡王薨逝長子先故其孫承襲之

後例得追封長子為 郡王其次子以下俱照依原封

世次授以本等爵級不得比 世子例前追封 親王

例冒請加封弘治七年例其追封 親王 郡王之嫡配已

故一體追封為 親郡王妃若係見存亦次加封但止

請勅勅知會不遺官 冊封不給冠服等件弘治十年例

凡請改封典

今上萬曆十年議准 親王嫡長子封為 世子次嫡庶

子封為 郡王 郡王嫡長子封為長子次嫡庶子封

為鎮國將軍如 世子長子有故 親王次嫡子改封

世子 郡王次嫡子改封長子或妃年五十以上無

出及妃已故 親王庶長子亦改封 世子 郡王庶

長子亦改封長子若未封者徑得請封 親王嫡長孫

封為世孫 郡王嫡長孫封為長孫 親王嫡長曾孫

封為曾世孫 郡王嫡長曾孫封為曾長孫如世孫長

孫有故次嫡庶孫應繼 王爵者亦許改封為世孫長

孫嘉靖四十四年例

凡庶子襲封

今上萬曆十年議准 親郡王娶有內助妾媵不論入府先後已未加封所生之子皆為庶子如嫡子有故庶子襲封父爵定以庶長承襲若有越次爭襲朦朧奏擾者將本宗叅究罰治輔導官并同謀擡置之人行巡按御史提問治罪

凡請封生母

太祖洪武二十五年議准 王妃以下有所出者稱夫人 弘治四年定 親王庶子受封其母始稱夫人 十

三年奏准 親王妾媵生女者不得援生子例請封夫人 嘉靖四十三年題准 親王之妾其子已襲封

親王而嫡妃不存者准封繼妃 郡王之妾其子已襲封 郡王而嫡妃不存者准封次妃俱止請 勅知會不給 誥命冠服身後減半祭葬 萬曆七年議准將

軍以下其生母年踰七十者許其存請各從子爵秩准與封號 十年議准 親王庶子襲封 親王而嫡母

不存者生母許封次妃 弘治二年例 但不得濫請繼妃封號

郡王庶子襲封 郡王而嫡母不存者生母亦許封

次妃俱止請 勅知會不給 誥命冠服身後與祭一

壇無葬若已故者俱准追封次妃其 親王妃子初封

郡王者生母止封夫人 弘治四年例 不在次妃之例將軍

中尉如嫡母不存其生母亦各從子之爵秩授封夫淑

恭宜安人止行文該府知會俱不給 誥命祭葬若已

故者亦准追封其養母庶母不許一槩濫請至於生母

年老多疾其子願請出府就養者許其陳乞 嘉靖十一年例

子多者仍聽遞相迎養 萬曆七年例

凡遣使冊封

世宗嘉靖三十二年題准每年冊封三月題請四月初旬

傳制制遣官出京 四十四年奏准冊封 親王及

親王妃勳戚大臣為正使翰林坊局六科 尚寶及卿

寺五品以上官副之 冊封 世子 郡王及 世子

郡王妃翰林坊局六科 尚寶及卿寺五品以上官

為正使部寺屬官中書行人等官副之

凡 冊寶冠服

太祖洪武間定凡 親王 王世子俱受金 冊金寶行

印綬監鑄給 冊行銀作局造辦 冊文行翰林院撰

作中書科書寫冠服儀仗行 內官監造如係舊府先
 年曾請封 世子者 金寶儀仗傳用俱不另給 世
 子承襲止授金 冊傳用金寶 郡王鍍金銀印鍍金
 銀冊儀仗冠服冊文俱照 世子例行 親王妃用金
 冊九翟冠服冊文照 親王例行餘俱傳用 世子
 妃用金 冊七翟冠服餘照 親王妃用 郡王妃用
 鍍金銀 冊七翟冠服如初封者用儀仗襲封者不用
 世子并妃 郡王并妃係初封者給銀造大器一分於
 銀作局關領襲封者傳用不領 嘉靖四十四年題准

初封 郡王及妃銀大器俱令自備不許請給 世孫
 長子長孫及世孫夫人長子夫人長孫夫人俱止給冠
 服不給 誥命鎮國將軍夫人及郡王以下俱給 誥
 命

凡酌議工價

今上萬曆十年議准 郡王初封者爵秩雖同然有 帝
 孫 王孫之異係 帝孫者儀仗房屋冠服及身後墳
 價俱照例全給其餘 郡王儀仗房屋冠服止令自備
 不必奏請關給身後墳價量給一半如 妃先故給與

造墳以後 王故之日止開壙合葬若 王故在萬曆

七年例前而 妃今故者不必補給 世子墳價與

郡王同至于將軍中尉郡縣主君等房屋冠服墳價俱

一槩停免

凡管理府事

武宗正德六年議准 郡王患病及薨逝其子幼小有以

親支暫管府事者禮部請 勅着令用心撫養毋致失

所候其長成仍回本府不許干預一應事務 嘉靖二

十二年議准 郡王惟管理府事者請來勅其餘不許

瀆請 四十三年議准凡 親王有罪削封本府各

郡王聽自行管束宗儀及奏請一應事件若迎接 詔

勅 大宗廟祀則輸遞從尊者 萬曆十年議准凡

親王薨子幼許撫按官推舉 郡王一位請 勅暫管

理府事凡一應奏請名封鈐束宗儀事件悉令管理惟

錢糧止許稽查不許收掌待嗣子年長稍知事體即便

具奏迴避其另城 郡王薨子幼亦聽撫按官於將軍

中尉內推舉一位請 勅攝理府事俱要倫次相應賢

能素著者方行推選不得徇情濫舉致啟爭端 嘉靖四

凡鈐束宗儀

孝宗弘治十七年議准各王府儀賓戚屬如自恃尊屬以王幼冲不服鈐束肆情縱欲任意非為敗倫傷傷化聽王指實具奏巡撫等官照例會本奏聞區處其教授等官不得^行勸正及軍民旗校無籍之徒并樂工人役哄誘撥置生事者重治正德四年議准親郡王患病或年雖尚幼其合府郡王將軍以下悉該聽其鈐束有事必啟而行違者許該府指實參奏嘉靖二十

四年議准各府儀賓務要照將軍等例五日一赴府畫押或不到即時差人查究下落其有無故^推托者聽親王量加罰治若累次抗違不到備由參奏前來以憑題請處治搆訟緣事者將俸糧按月扣留在官作正支銷

凡查革冒封

今上萬曆十年議准郡王無總統之例其進封親王或薨故絕嗣或犯罪革爵者子孫弟姪及旁支踈族俱不准承襲王爵先年有冒封過者許各自首姑准本

爵終身不分同城另城其長子次子俱止授世次本等
爵級有以前加封者悉令改正若隱匿不首查出之日
即行削奪不俟終身

凡進繳冊印

今上萬曆十年議准 郡王初封給有冊印其綠事降革
者例當繳奪若薨故而本支盡絕無人收藏者亦當追
繳正德二年及嘉靖四十二年例今後遇有此項通送 親王奏繳不
許稽遲苗外以滋弊端其有進封 親王或改封 世
子及雖故絕本府尚有人奉祀者止令繳印不必繳

冊 萬曆七年例

凡宗支奏報

孝宗弘治十年令凡 王府宗支但有新生子女即報本
支 郡王啟 親王審實年終類奏長史造冊二本齎
送到部一送宗人府比對一苗禮部查考其各城另住
郡王照例徑奏教授造冊繳部 正德四年題准各王
府初生子女三日後即行具本奏報其冊一年一次備
造一樣二本分送禮部并 宗人府以便查考 萬曆
十年議准 宗室新生女子三日後即具啟各該 親

郡王及管理府事者審實取具收生親職官眷人等保
結明白按季類奏或因事稽遲許以下季補奏每年終
備將奏報過子女攢造文冊一樣二本齋部一轉送
宗人府比對一收貯禮部查考如有不依期奏報及未
經保結明白朦朧妄報者俱候年終將長史教授等官
量罪重輕參治所報子女日後不許請名請封

四年例同但當時
一年一次奏報

弘治十
年正德

凡查叅玉牒

今上萬曆十年議准各王府玉牒冊每年八月以裏遵

照冊式攢造一樣二本冊尾明註監造某官對同某官
書寫某役差人齋送到部一轉送宗人府一收貯禮
部除過期不到者聽宗人府查叅外其造到文冊但
有開載不明或嫡庶混淆或名位舛錯或那移封期或
增減年歲等項情弊本部即將經營員役指名叅究原
封駁回另造

嘉靖四十
四年例

其本年内殤卒位數照依宗支

歲報冊一體開報以備查考

凡名封奏結

今上萬曆十年議准宗室子女請名請封俱由各該

親郡王及管理府事者審實定於每季仲月類奏一次
 仍取其本位親支如無親支以次換及房族 宗室五
 位并長史教授等官兩鄰收生人等不致扶同欺隱甘
 結於具奏之時一并差人齎送到部轉行 宗人府備
 查生年月日父爵母封明白回報仍將禮部收貯 玉
 牒文冊查對相同方與題覆其或查無奏報及有差錯
 者行布政司查勘若有扶同隱匿將額外濫收妾媵并
 乞養過房來歷不明樂婦花生傳生子女捏作嫡出庶
 出朦朧冒請名封者本部查出或被奏告事法將本位

叅降爵級保勘 宗室罰革祿米長史教授等官革職
 一應甘結人等行巡按御史提問以枉法論罪 弘治間
 及嘉靖
三十
 年例如 王奏到三月以外而長史教授等結未到致
 妨查題者禮部每上半年查叅一次行巡按御史將
 長史教授等官提問

凡奏請期限

英宗天順八年定各 王府所生子女年至十五方許請
 封嘉嘉靖四十年議准 親郡王將軍中尉所生之子
 俱五歲即與請名候該府奏到禮部類題行翰林院遵

照 祖訓欽定字樣編擬名字簿登記於每年三九月
 內類行翰林院請 勅頒行各 王府 萬曆七年議
 准請名封過期者非 特恩不許濫給冠帶 十年議
 准凡 親郡王將軍中尉之子不分長次嫡庶俱年五
 歲請名 親王嫡庶子女及世孫 郡王嫡長子長孫
 俱年十歲請封十五歲選婚 親王次嫡庶孫 郡王
 次嫡庶子及嫡庶女將軍中尉嫡庶子女俱年十五歲
 請封即與選婚若因事耽延未能如期奏請者聽請名
 請封過期五年以下查題十年以下行勘十五年以下

勘明另題止給名糧五十石本折中半兼支十五年以
 上立案如係聽繼 王爵人數過期年久例應另題立
 案者臨期請 旨定奪男選婚女請封過期十年以下
 查題十五年以下行勘十五年以上立案其庶人請給
 名糧亦許十五歲具奏過期一如選婚例行
 凡稽查奏勘

今上萬曆十年議准 王府奏請名封婚禮等項長史教
 授等官將歷年冊籍備查的確及審據各該人役保勘
 明白與例相合啟王王如式具奏不得受賄徇私將違

礙事情混行奏擾亦不得因而留難勒指累苦貧宗其
禮部行勘事件該布政司務要查覈明確依期回覆不
得止據長史教授申文抄寫以了前件亦不得遲延日
久以致守候不便今後但有奏請違礙責在長史教授
等官回報草率及遲至一年之外者責任該布政司官
聽本部酌量事情重輕叅奏

凡犯罪革爵

太祖洪武二十八年 諭曰 皇親國戚有犯在 嗣君
自決之惟謀逆不赦餘犯輕者與在京諸親會議重者

與在外 諸王及在京諸親會議皆取自 上裁其所
犯之家止許法司舉奏並不許擅逮問合依親戚如

皇后家如 皇妃家 東宮妃家 王妃家 郡王妃

家駙馬家儀賓家魏國公曹國公信國公西平侯武定
侯朕皆已著之 祖訓爾五府六部等衙門以刑言刑

梓揭于官署永為遵守 弘治十六年定 郡王已革

王爵將軍中尉已革官職或降為庶人者其降革以
後所生子女不許請封嘉嘉靖五年議准庶人發高墻
者其未革爵前所生子女係無罪之人俱存苗在府居

住責令相應親屬照管候長城備查伊父犯罪緣由奏請 萬曆十年議准凡 宗室有犯罪革爵者未封子女無論革前革後所生一槩不許請封嘉靖四十年例 其已請而無同惡情由者備查所犯輕重分別奏請止係越閔訐奏等項革爵者已封子孫姑免查革若犯該敗倫傷化人命強盜等項子孫除同惡隨坐外其餘一體降為庶人日後不許援引遠年寬宥事例覲復封爵萬曆七年例 其在內法司及在外撫按等官但有干係 宗室降革等項者俱備開所犯招由行移禮部知會以便查考

宗學書院附

凡修明宗範 萬曆十年題准凡 宗室之子年十歲以上俱入宗學其師即以本府教授紀善等官選取學行俱優者充之若宗生衆多則分置數師或于 宗室中推舉一人為宗正主領其事令各生誦習 皇明祖訓孝順事實為善陰隲等書至于四書五經史鑑性理亦相兼講讀俟年至十五許照例請封先給祿米三分之一仍習學五年驗有進益 親王方與奏請出學支本等全祿嘉靖四十年例 另城者該府 郡王或管理府事

者奏請其有放縱不循禮守法者學師具啟各該親
郡王小則徑自訓責大則參奏降革

凡府第 萬曆七年議准 郡王故絕無人管理奉祀
者例前官給府第候 宮眷終後仍入官變賣以充祿
糧一十年議准 郡王故絕所遺府第屯廠莊田等項
教授管官逐一查理明白申呈撫按衙門除嘉靖四十
四年例前官給府第聽管理奉祀者承住安奉香火外
如有原出 親王撥給者仍由 宮眷養贍身終之後
復歸 親王若 郡王存日有自置產業量給三分之

一與管理奉祀者為歲時祭祀之需其餘皆由 宮眷
養贍身終之後聽有司從公分給親支如無人管理奉
祀者其府第別產聽從 宗宮眷變賣養贍

凡獎諭 萬曆十年議准 宗室有孝友兼至及婦女
守節貞烈足以激勵風化者各其實跡奏聞以憑覈勘
明白或立坊旌表或請 勅獎諭或加 贈封號長史
教授官并 宗儀人等不許需索抑勒亦不許扶同欺
罔有孤 恩典

凡罪宗 萬曆十年議准罪宗庶人止與名糧

見戶部

凡男女婚嫁之資一槩免給其高墻間宅正犯已故所遺家屬許各該撫按官奏請釋放送回本府居住

嘉靖四十年

仍備查先年所犯情由如係黨逆干紀罪惡深重

者子孫止從寬釋不許濫請名糧若犯該敗倫傷化人

命強盜等情見在子孫許其請名歲各給本色米十二

石身終即止其有止犯越閏許奏等項請名之後亦各

歲給本色米十二石日後子孫如之萬曆九年例如止遺母

妻無子孫可倚賴者歲給養贍米各六石終身私收妾

媵止許釋放不在養贍之例

凡庶人冠帶 萬曆十年議准凡罪犯革爵及擅婚濫

妾越閏過期各庶人准給口糧養贍俾無失所已為

恩厚更不許請乞冠帶以濫 朝廷名器如違例瀆奏

一槩立案不行

凡保陞內官 萬曆十年題准 王府承奉等官額設

一正一副俱照次序遞轉承奉正副員缺該典寶正副

換補典寶正副員缺該典膳正副換補典膳正副員缺

該典服正副換補典服正副員缺該門官換補門官員

缺該內使陞補不容一槩濫請其各處無名內使私自

淨身人等有批故擅入 王府因而撥置害人貽累

宗室者撫按官嚴加禁治正德十年例若各 王府收用私

自淨身之人及有違例保者聽禮部查叅并將長史等

官究治 嘉靖四十四年例

凡奏討內使 萬曆十年議准 親王內使如司冠司

衣司佩司履司樂司弓矢之類屬總數不過十名若果原

額缺人其實奏討司禮監擇其老成讀書者量撥四名

世子及 郡王原未經撥給者各量撥二名其將軍中

尉不許違例濫請嘉靖四十年例至于內使冠帶限以到府

年分 親王內使須歷十年之上 郡王內使須歷十

二年之上方許具奏請給年淺者不得朦朧奏討嘉靖八年

例其淨身男子平巾查係禮部分撥者方與題請若各

王府私收者不准

凡郡王厨校 萬曆十年議准 郡王厨役止許撥給

二名有護衛儀衛去處護衛儀衛撥給無護衛儀衛者

有司撥給嘉靖三十年例其校役不拘 郡王舊封新封俱

以二十四名為額除原係護衛僉撥者仍於本衛僉撥

外其不係護衛僉撥者有護衛去處該衛撥與軍餘十

二名民間僉派十二名無護衛去處俱于民間僉派

嘉
靖八年例 每名每年于徭編內民厨徵銀十兩民校徵

銀十二兩解赴布政司轉發該府僱人代役原撥民厨

民校掣回有司當差不許仍令身當隱蔽差役如有占

怯不發者聽撫按官奏其絕封 郡王府除另城管

理府事者量留民校十名照例徵銀僱役外其餘民校

民厨盡數發還有司原係徵銀者免派若革除 親王

墳所給守墳軍校五名

凡生母改封 嘉靖甲子夏六月改封 蜀王生母林

氏為繼妃先是 蜀王宣 升 乞 恩比例將生母林氏

改封下禮部議奏云人子之心雖無窮嫡庶之分則有

別 蜀王宣 升 生母林氏先蒙 聖恩准封為次妃已

深矣今復援例 特恩奏乞改封繼妃揆之典禮似為

踰越但其情辭懇切出一念人子顯親之心况有杜氏

事例似應俯從 世宗曰林氏既係蜀王生母准杜氏

例遂改封云林氏 蜀康王繼妃也

凡長孫品級 正統年間 親王有 長孫者授以

世孫給一品官服 郡王有 長孫者授以 長孫

給二品官服

凡罪送高墻 國制宗人有罪者錮高墻高墻在中都

今鳳陽府

凡先後入高墻者男女且千人 嘉靖四年

釋二百九十人十二年釋十三人十三年又釋三十八

人十八年又釋四十五人 還原邸給薪米自便

封建存疑

建文少子名文奎建文三年生生二歲建文君遜位靖

難後號為建庶人者是也幽中都廣安宮 英宗北狩

嘗憫建文君之沒無所加禮屢召變故以語袁彬及復

辟二年憐庶人久繫欲出之又以語學士李賢李賢曰

對曰 陛下一念 天地鬼神實臨之 太祖在天之

靈實臨之堯舜存心不過如此請于 太后令出居于

鳳陽歲給薪米聽婚娶出入自便又與閹者二十人婢

妾十餘人給使令遺菴牛玉入禁 諭庶人庶人伏地

頓首謝且喜且悲有阻議者 英宗曰有天命者任自

為之遂降 勅曰朕恭膺 天命復承 祖宗大統夙

夜憂勤欲使天下羣生成得其所而况 宗室至親者

哉爰念建庶人等自幼為前人所累拘幽至今已五十

餘年憫此遺孤特從寬貸用是厚加 賜賚遣人送至
鳳陽居住月給廩以安生仍聽婚姻以續其後庶副朕
眷念親親之意故 勅庶人至是年已五十六七出不
識牛馬未幾庶人卒建文嗣絕再閱傳信錄稱成祖
入宮時建文君有幼子老媪教之牽 成祖衣哭跪前
求食曰孩兒餓矣餓殺孩兒矣 成祖亦哭曰汝生帝
王家寧有餓死理 命善撫之不知此建文君第幾子
抑亦即少子也或曰牽衣哭者 成祖育諸 宮中鄭
端簡公遜國記云建文辛巳冬十一月 皇太子文奎

奎即此庶人也革除遺事又云文奎建文君長子洪武
二十九年十月甲寅生建文初立為 皇太子壬午六
月闕宮赴火時年已七歲存沒莫考文奎弟文某廢為
建庶人又與端簡所聞異矣備述以俟考云

親王就學

國初 親王出就學 命內閣提督檢討等官講讀為
擬定經書起止每日以所習學進看 天順二年始定
禮儀凡 諸王初入書堂其日早 王至右順門之北
書堂面東中坐提督并講讀官行四拜禮畢內官捧書

展于案上就案左立講讀官立于案右伴讀十遍叩頭
退自後每日清晨王至書堂講讀官行叩頭禮伴讀
十遍出飯後復詣書堂伴讀看寫字畢講書直說大意
畢行叩頭禮退內侍以所寫字送內閣

違例請封

今上萬曆十九年正月十一日禮科都給事中胡汝寧復
奏瀋王理堯原奏比例陳情懇燭例前進封准賜
郡爵事又懷仁王府管理府事奉國將軍充恫奏懇
比例補賜名封事俱奉聖旨下禮部臣等看詳間

在瀋王理堯原謂伊祖靈川王繼伊叔祖懷王之

後進封為親親王後伊父瀋宣王恬交及理堯俱承

襲親王而親弟理堯理堯延亦得封為郡王陳乞之意

如此但查得宗藩要例凡郡王進封親王者日後

子孫除承襲親王外其餘俱依原封世次授以本等

爵級不准加封明例昭然本王安得妄意陳情以撓

成法乎即云例前加封者姑准照常傳襲當時恐已封

者一一查革未免滋擾故為姑准之說耳非謂例前未

封者今復得封之也故又云例後加封者查照世次改

正即 秦府雖冒封亦當改正之例豈可援以為例哉
矧 郡王得進為 親王而所支祿米仍支 郡王之
數蓋明其實非 親王又安得冒昧陳情而以郡爵予
其諸子耶在 懷仁王府奉國將軍充懃謂伊府鎮
國中尉俊莊先娶安氏為妾被積校騙財物詐冒部帖
以致失誤請婚蓋欲明其非擅婚也非擅婚則當補母
之封則當給子之名為他日受封之地陳乞之意如此
但查得 宗藩要例凡請封請名過期至十五年以上
者立案今俊莊既係隆慶二年選娶安氏至今二十餘

年矣豈得復來展辯補封乎據稱原與俊杵等一同駁
查明當必同時補封何馬氏母子俱已補封而獨莊與
安氏立案此其中必有說也且選婚請封先從長史教
授查勘申呈巡按衙門核實具奏本府並未聲說巡按
具奏之由止云積校誑詐此尤不可曉者大抵法之不
行親貴壞之要例森嚴皆斷自 宸衷與 各宗共守
者乃 二府巧為轉辯圖遂已私恐一人作俑眾皆效
尤天下 宗室行且紛紛多事而 朝廷之上奏擾無
虛日矣臣乞 勅下該部嚴行禁諭將 二府所奏立

案不許再瀆庶法守一而要例非徒為虛文人心肅而各相安于分義也奉 旨禮部一併看了來說 四月

禮部奏抑情伸法以杜 宗藩冒濫事 又奏乞正

王封事奉 旨這冊封數內如何不開 藩府 朝廷

親親之情既已許定豈可中止連婚期都誤了着再開

來只與封王名色仍支將軍祿米情法兩全再不必執

奏欽此臣竊惟情偶發于一時法常昭于萬世情無窮

而法有限兩者每相權焉不可過也我 世宗肅皇帝

宗藩條例 郡王斷繼襲親王其餘止封本等爵級

蓋已權情法之中矣 藩藩理 堯以郡王繼襲 親王

者理 旦封于例前猶未抑法以伸情理 凡封于例後尚

當抑情以伸法若理 豈理延又有郡 郡王之封則情

窮于不可濫法比于不可加矣臣仰窺 聖意非不知

此但為 朝廷親親之情不忍違 藩王之請耳凡在

天潢之派孰非 朝廷之親 九廟之親若盡則遷

子孫之待 祖宗且不可過况子孫乎且親親有等則

諸宗各守其分而帖然無逾涯之心其為親也公而普

親親無等則 諸宗不勝其求而翹然有缺望之志其

續文獻通考
為親也私而僻 皇上謂已成之命不可中止願獨不
念 祖宗已定之例不可輕變乎自今以後 諸宗有
請遽抑之則已聞其端欲槩與之則又嫌于濫得之者
因為非分之榮失之者終抱不均之嘆臣恐 皇上所
以紹休 祖考敦睦九族者誼不如是也 皇上又云
今後再有援例的該部科叅來夫與其防 各宗違例
于將來孰若禁 本藩違例于今日不慎之發源而欲
遏之于末流臣知勢必不得已也大抵 祖宗之法輕
變易經守難 君父之旨阿徇易執奏難 皇上為

祖宗守法臣等為 皇上執法期于上下相成而已昔
陶唐議法帝堯曰宥之三臯陶曰報之三然帝堯終不
以宥之之仁奪陶執之之法故萬世稱明良之遇者必
曰有唐臣誠不敢自比臯陶而所仰望于 皇上誠不
敢少後于帝堯也故輒復冒昧執奏如此伏乞 皇上
仰遵 祖制俯鑒臣愚亟止 王封仍將軍爵級俾得
及時選配不誤婚期 成憲不移孰敢陵夷之漸分守
素定誰開矯假之門庶幾情法兩全奉 旨這事情已
屢有旨了該部如何又來執奏即便遵行王 三月初

十日禮部尚書范謙等奏 秦王誼患乞 恩改正封

爵隨經禮科都給事中薛三才等題 諸藩越例請

封懇乞申飭臣等隨據例題覆奉 旨 秦王為誼患

請封 郡爵 朕念首藩准與封不給祿仍不為例餘

依擬欽此仰見我 皇上篤愛 首藩與之以 王封

至仁也而猶靳之以祿限之以例大義也第恐封頒而

冒濫易起例濇而法守難遵夫 宗藩條例一書 皇

祖頒布中外令 各藩共守之無親疎無遠近不得而

假借焉故進封 親王一欵日後子孫除承襲外其餘

俱依原封世次授以本等爵級不准加封明例昭然乃

誼患之所請則何如也先是懷卷以 定王再從姪由

鎮尉而承 定王之統誼患以 靖王嫡第三子由

郡爵而襲 親王之封今又欲併其庶兄而加封 郡

王蓋 典制之所不載而于例大有相違背者我 皇

上既是科臣之議而前後 明旨一則曰不為例一則

曰以後不許援例瀆請蓋明知例之不可特以篤念

首藩姑為此寬假云耳夫 皇上念 首藩而為誼患

申請誼患獨不自念 首藩而為 皇上守法乎語云

行法自貴近始改

而守法

凡兢也

必曰 朝廷有不可撓之法即 首藩不得以妄徼而

吾何可以私覬 秦府而不守法則 諸藩競相慕效

必將曰均一 天潢之派也 秦府可以倖徼而 思

何靳于一府從此隨乞而隨與則 思日濫觴何以明

典制倘有與有不與則法非畫一何以示遵守臣等

反覆思之無一而可也且 皇上豈以 秦府之徼思

者猶未足耶夫誼患原封奉國中尉後加封鎮國將軍

此其爵踰五級所徼 特恩亦是不薄謹按條例例前

加封者姑准照常傳襲例後加封者查照世次改正煌

煌 祖制明炳日星及查誼患以十四年加封鎮國將

軍尚在改正之列今應改正者不行改正而不應加封

者乃欲加封抑何其牽合附會圖遂已私之若此也先

年 秦藩乞封 明旨嘗云 特恩不為例矣未幾而

藩藩輒援例以請當日 藩藩又請封 明旨又云

有援例的該部科叅來矣今未幾而 秦藩又比例瀆

奏後之視今又安知不猶今之視昔也此其漸寧可長

乎伏乞 皇上收回 成命仍嚴 諭本藩恪守成規

母復瀆擾妄希封爵則典禮明而朝廷無陵夷之漸
分守定而宗宗藩絕矯假之門宗社幸甚天下幸甚奉
旨朕知道了着遵前旨行

續文獻通考卷之一百九十六終

續文獻通考卷之一百九十七

皇明進士雲間王圻纂輯

封建考 皇明異姓封建 封建事例

皇明封建異姓

國朝初起淮甸旋定江東收拓疆宇統一華夏滅漢之功
為最取幽燕次之汴洛秦晉齊魯次吳次閩次越次蜀
又次滇南當是時功臣封者食租衣稅雖不得分土臨
民而鐵券 寶綸 天盟 廟授追崇之禮過于商周
世宥之 恩寬於漢魏矣革除之後輝祖以守義釋囚

母復瀆擾妄希封爵則典禮明而朝廷無陵夷之漸
分守定而宗藩絕矯假之門宗社幸甚天下幸甚奉
旨朕知道了着遵前旨行

續文獻通考卷之一百九十六終

續文獻通考卷之一百九十七

皇明進士雲間王圻纂輯

封建考 皇明異姓封建 封建事例

皇明封建異姓

國朝初起淮甸旋定江東收拓疆宇統一華夏滅漢之功
為最取幽燕次之汴洛秦晉齊魯次之吳次閩次越次蜀
又次滇南當是時功臣封者食租衣稅雖不得分土臨
民而鐵券 寶綸 天盟 廟授追崇之禮過于商周
世宥之 恩寬於漢魏矣革除之後輝祖以守義釋囚

景隆以負國淹繫江陰失律遼西長興表師真定越嵩
安陸之流仁承收復終歸氓頴故其存者魏西平武定
三家耳 成祖靖難以九門壩上白溝滄州藁城夾河
靈壁七戰論功已而北驅殘虜南縛交酋西靖羗番東
捕倭韓舊思新績降胡廝養往往登封 洪熙宣德文
教漸張九伯皆特轅疑塞合騎從征咸稱不僭 正統
景泰天順間醜戎猾夏奸黨貪天己巳丁丑剖符益眾
未幾誅棄存亦無幾 成化特國家治平屯細柳出居
胥雖師律尚嚴而檢覆多濫以故傳世者 弘治治御

極慎名與器封者無聞焉 正德間典章頗濫 世宗
洗滌乾坤光復 祖憲 登極之詔首錄擒反己而秉
鬯 宗種顧瞻烝侑悼念元勳興滅繼絕五姓續封於
斯善述若乃外戚恩澤封者洪武永樂未之前聞增壽
雖 文后介弟顧靖難密謀殞命廷闕 長陵悼念子
封定國至 獻陵卽位永始以 昭后恩封 裕陵又
家封爵 皇祖未有典制魏定封公雖緣戚里實開國
靖難佐命功臣彭城惠安軍功居半可世如故他皆宜
罷封稍稍陳乞或得都督都指揮指揮云 令攷 累

朝封者公十八人侯八十三人伯八十八人王一人外
戚公一人侯五人伯十一人凡二百七人乃令世及者
纔四十四人其以文臣封者公一人伯八人不得嗣者
乃七人

高皇帝初下建業草創未遑吳元年始拜功臣李善長徐
達常遇春為國公而其他功臣之死勤事封疆者有國
郡公侯伯子男之贈然徃徃一循元舊 洪武三年始
大啟封建 皇帝之子為親王 親王之從庶子為郡
王而功臣則公侯伯三等有世襲有流爵罷子男不置

公侯位正一品上伯位正二品上朝服進賢冠加籠巾
貂蟬世襲者頒鉄券流爵則否當是時封伯者僅二人
忠勤之祿僅當侯三之一誠意至不能當六之一十年
以後封東莞徽先祿遂與侯等至 永樂初而始定居
侯之下正一品之上真階勲皆與侯等而伯益重矣凡
公侯伯之任入則掌泰五府總六軍出則領將軍印為
大帥督留都筦鑰轄漕網運獨不得預九卿事大抵視
漢以下獨隆崇云

國初封公者六人而魏國功最大祿秩亦最重中山侯宿

將也以一言之悖而不獲公德度侯鉅勲也以一事之疵而不獲公永城封而貶東勝封而棄訓詞蓋稟乎斧鉞焉然至吉安江夏臨川東平之類抑何其鐵夷狼籍也三年而後續侯者獨西番之役最盛平雲南次之其他以舊封伯錫爵然至藍氏之誅累而幾若掃矣夫以馮宋公傳頡公之雄而卒不免死謂其不敵法也而諱之卽諱之猶不爲置後至嘉靖百餘年間初所封六公僅一公在二十八侯進爲公者亦絕而餘二十六侯亡里士乘駟之奉後封四公二十一侯二伯亦僅西平

武定在耳是時天子下明詔追攷故實收錄故鄂國公遇春曹國公文忠衛國公愈信國公和後俱爲徹侯誠意伯基後仍爲伯增其秩天下翕然歸原焉

文皇帝於建文四年七月下京師即大位因其年爲洪武三十五年又二月制詔吏兵部差次從靖難功臣遂封淇國等二公城陽等十三侯興安等十一伯已又錄降附功增曹公歲祿封永春一侯忠誠等三伯明年封駙馬都尉袁容等二侯遂追舊功封豐城一侯寧陽等五伯三年復追舊功進封新城至是靖難侯封始究六

年論平安南功進封新城西平二侯皆為公增豐城侯
雲陽伯祿各五百石已進封清遠一侯安遠建平二伯
終 文皇之世凡再大封至 唐皇帝之元年論秦門
迎 駕功進封武清侯為忠國公封太平一侯興濟文
封而其他破軍殺將數亂僞工之特封者不與焉嗚呼
靖難諸將臣從 藩邸起一旅之師彈丸之地出萬死
者三載而遂定 宗社於泰山之固此其績誠巨然
英主實在軍攻堅履危斷自神授又大戰不過十餘所
定軍府不過三四而已毋論中山開平其視曹衛宗顏

而下抑何徑庭也定興之掃安南固自偉亦何能超穎
川之下滇蜀且久復失之令 高帝之盟白馬指黃河
而誓其功臣鮮有存者易世而後所當僅如綫之虜與
萑苻之盜首級數十以至百積封自伯而至侯遂有公
者令胡以貂綿蟬聯也以此况彼誠不可同年而語自
孝宗而後執政者始愛守名爵不輕畀而不知能無
畏于首尾未暇一一釐正之然至新建之取叛王不煩
天子璽書不費太倉水衡金錢縛之於股掌 世宗
猶或靳之寧遠之摧東虜積級至萬餘其所遘敵固皆

瑕然其積豈與他徹侯等而縉紳大夫猶斷斷有後言者何也少所見多所恠恒也

已上出
弇州集

恩澤

高皇帝無外家三尺之胤以故 王爵廟貌雖極隆於楊徐而朱即自功臣外無兩者他若李隴西繇尚主而擔爵然亦岐陽大勲所推本而成沐椒房之光寵其兄棖以為非不幸云

文皇入纂之頃 中宮猶在邸而仲氏已前開國夫固憫禍收其悃而執經者猶疑之然以中山之勲塞天地家

有兩公胙及百代不為幸也 嘉靖二年 帝念翊戴

功封楊廷和蔣冕毛紀為伯 誥券世襲及 壽安太

后弟邵嘉 興國太后弟蔣輪各封伯尋以給事中張九叙御史江淵主事霍韜上疏言恩澤太濫各聽辭免止廢一子惟外伯封爵如故

昭皇后母儀奕世幾于文妣以故張氏得封二伯其後漸因之至有自侯而進公者自保傅而進太師者然會昌主兵符而不能易 人主之喜怒壽寧建昌能易 人主之喜怒而不與外廷之進止其極不過富貴能其樂

不過宮室狗馬聲色其威怒不過行閭閻雖匹而已
世廟憤壽寧建昌之積侈執而繫僂之一時肅然而又
申明考功令下所司悉諸外戚之世封者獨裁定公以
中山故彭城惠安以 昭皇后故且半援帷幄汗馬焉
他則擁護止乎孝烈而家一襲晉接窮乎榮恭而不予
世天下服其快其斷而不敢以少恩病之公斯所以為
肅也若夫中貴人之擅柄殆有甚矣幸而未鑿其竅不
敢身冒封爵而正德之亂其昆從以迨廝養皆得濫竽
焉嘉靖之封方士之無賴者居一矣皆未幾而棄削繼

之著為令甲萬世曉然知其非當可無虜也

洪武年封封邑爵

祿

進封

續封

徐達 開國信國公

伍千石魏 世

李善長開國宣國公

肆千石韓 除

常遇春開國鄂國公

復懷遠侯

嘉靖十一年吏部尚書王瓊言常遇春李文忠鄧愈湯
和 特命襲封僅與侯爵蓋常李流徒禁錮湯鄧寢襲
年一旦爵以上公恐難負荷擬封常玄振為懷遠侯李
性臨淮侯鄧繼坤定遠侯湯紹宗靈壁侯勳階 誥券

食祿如初封

李文忠開國曹國公 叁千石 除復臨淮侯

馮勝開國宋國公 叁千石 除

鄧愈開國衛國公 叁千石 除復定遠侯

常茂父遇春鄭國公 除

湯和開國中山侯 千伍百石信國公除復靈璧侯

唐勝宗開國延安侯 千伍百石 除

陸仲亨開國吉安侯 千伍百石 除

周德興開國江夏侯 千伍百石 除

華雲龍開國淮安侯 千伍百石 除

顧時開國濟寧侯 千伍百石 除

耿炳文開國長興侯 千伍百石 除

陳德開國臨江侯 千伍百石 除

郭子興開國鞏昌侯 千伍百石 除

王志開國六安侯 玖百石 除

鄭遇春開國滎陽侯 玖百石 除

費聚開國平涼侯 千伍百石 除

吳良開國江陰侯 千伍百石 除

吳禎 開國靖海侯 千伍百石 除

趙庸 開國南雄侯 千伍百石 除

廖永忠 開國德慶侯 千伍百石 除

愈通源 開國南安侯 千伍百石 除

華高 開國廣德侯 陸百石 無子 除

楊璟 開國營陽侯 千伍百石 除

康鐸 父茂 開國蕪春侯 千伍百石 除

朱亮祖 開國永嘉侯 千伍百石 除

傅友德 開國潁川侯 千伍百石 潁國公 除

胡美 開國豫章侯 千伍百石 臨川侯 除

韓政 開國東平侯 千伍百石 除

黃彬 開國宜春侯 玖百石 除

曹良臣 開國宣寧侯 玖百石 除

梅思祖 開國汝南侯 玖百石 除

陸聚 開國河南侯 玖百石 除

汪廣洋 開國忠勤伯 叁千陸百石 除

劉基 開國誠意伯 貳百伍十石 除 續封

薛顯 開國永誠侯 千伍百石 除

沐英 征西西平侯 貳千伍百石 世

仇成 征西安慶侯 貳千伍百石

藍玉 征西永昌侯 貳千伍百石 涼國公除

謝成 征西永平侯 貳千石 除

張龍 征西鳳翔侯 貳千伍百石 除

吳復 征西安陸侯 貳千伍百石 除

金朝興 征西宣德侯 貳千伍百石 除

曹興 征西懷遠侯 貳千石 除

葉昇 征西靖寧侯 貳千石 除

曹震 征西景川侯 貳千石 除

張溫 征西會寧侯 貳千石 除

周武 征西雄武侯 貳千伍百石 除

王弼 征西定遠侯 貳千伍百石 除

陳桓 平雲南昔定侯 貳千伍百石 除

胡海 平雲南東川侯 貳千伍百石 除

郭英 平雲南武定侯 貳千伍百石 朔國公流世侯

張翼 平雲南鶴慶侯 貳千伍百石 除

李新 作孝陵崇山侯 千伍百石 除

汪興祖開國東勝侯 千伍百石 除

張赫 海運航海侯 貳千石 除

朱壽 海運舳舻侯 貳千石 除

孫恪 征胡全寧侯 貳千石 除

濮瓊 父英西涼侯 貳千伍百石 除

桑敬 父世榮 徽先伯 千柒百石 除

俞通淵征南越雋侯 貳千伍百石 除

張銓 征蠻永寧侯 千伍百石 除

胡顯 征蠻梁國公 除

何真 歸降東莞伯 千伍百石 除

陳理 降王歸德侯 徒高麗

陳普才 友諒父 承恩侯 除

陳友富 友諒兄 歸仁伯 除

陳友直 友諒兄 懷恩伯 除

明昇 降王歸義侯 徒高麗

買的里八剌 元王孫 崇禮侯 歸北

納哈出降胡海西侯

察罕 納哈子 藩海侯 除

常昇 父遇 開國公

永樂中除

建文年封

盛庸 戰勝歷城侯 千石

永樂中除

李堅 戰勝灤城侯

永樂中除

永樂年封

丘福 靖難淇國公 貳千伍百石 除

朱能 靖難成國公 參千伍百石 世

張武 靖難成陽侯 千伍百石 無子除

陳珪 靖難太寧侯 千二百石 世

鄭亨 靖難武定侯 千伍百石 世

孟善 靖難保定侯 千貳百石 除

火真 靖難同安侯 千伍百石 除

顧成 靖難鎮遠侯 千伍百石 世

王忠 靖難靖安侯 千石 除

徐忠 靖難永康侯 千壹百石 世

張信 靖難隆平侯 千石 世

李遠 靖難安平侯 千石 除

郭亮 靖難成安侯 千貳百石 世

房寬 靖難思恩侯 捌百石 世指揮使

王寧 推戴永春伯 千石 除

徐祥 靖難興安伯 千石 世

徐理 靖難武康伯 千石 無子除

李濬 靖難襄城伯 千石 流侯世伯

張輔 靖難信安伯 參千石 新城侯 英國公 世

唐雲 靖難新昌伯 千石 世指揮使

譚忠 父淵新寧伯 千 世

孫石 靖難應城伯 千石 世

房勝 靖難富昌伯 千石 世指揮使

陳旭 靖難雲陽伯 千石 無子除

劉才 靖難廣思伯 玖百石 世指揮使

茹瑞 推戴忠誠伯 千石 流

王佐 推戴順昌伯 千石

陳瑄 推戴平江伯 千石 流侯世伯

袁容 靖難廣平侯 千伍百石 世指揮

李讓 靖難富陽侯 千石 世揮

李彬 靖難豐城侯 千石 世

陳懋 靖難寧陽伯 千石 侯世

王通 父真武義伯 千貳百石成山侯世伯

王友 靖難清遠伯 千伍百石 除

陳賢 靖難滎昌伯 千石 世

張興 靖難安鄉伯 千石 世

陳志 靖難遂安伯 千石 世

徐景昌 父增壽 定國公 貳千伍百石 世

王聰 靖難武城侯 千伍百石 無子除

趙葵 靖難忻城伯 千石 世

宋晟 征西西寧侯 千壹百石 世

沐晟 侯征交趾封黔國公 參千石 世

柳升 征交趾安遠伯 千伍百石 侯世

郭義 戰勝安陽侯 千壹百石 世指揮使

何福 征胡寧遠侯 千石 除

薛祿 征胡陽武侯 千壹百石 世

劉榮 捕倭廣寧伯 千貳百石侯 世伯

朱榮 征胡武進伯 千貳百石 世

高士文 歿建平伯 千叁百石 世

金玉 征胡惠安伯 捌百石 世指揮使

薛 征胡永順伯 玖百石 世指揮使

征胡安順伯 玖百石

誠征胡恭順伯 千貳百石 侯 世

金忠 降胡忠勇王 千石

熙年封

梁銘 靖難保定伯 千 世

蔣廷珪 保昌伯 世

吳成 征胡清平伯 千壹百石 世

吳管者 征胡廣義伯 千石

李賢 征胡忠勤伯 千壹百石

宣德年封

費瓛 征胡崇信伯 千壹百石 世

李玉 征胡新遠伯 捌百石 除

勝定 征胡奉化伯 捌百石 世指揮

李英 征胡會寧伯 捌百石 世指揮使

金順 征胡順義伯 捌百石 世指揮使

正統年封

蔣貴 征胡定西伯 千伍百石侯 世

趙安 征胡會川伯 千石 世指揮

任禮 征胡樂遠伯 千貳百石 失律除

沈清 營建修武伯 千壹百石 世指揮使

譚廣 正胡永寧伯 千石 世指揮使

陳懷 征胡平鄉伯 千壹百石 世指揮使

馬亮 征胡招遠伯 千壹百石 世指揮使

王驥 征蠻靖遠伯 千叁百石 世

蔣信 征胡忠勇伯 千石 除

景泰年封

楊洪 禦胡昌平伯 千石 侯 世指揮使

石亨 禦胡武清伯 叁千石侯 忠國公 除

石彪 禦胡定遠伯 千石 侯 除

登 禦胡定襄伯 千壹百石 世無子指揮使

禦胡撫寧伯 千貳百石 侯保國公 世侯

征蠻南和伯 千石 流侯 世伯

毛勝 征蠻南寧伯 千石 世

天順年封

徐有真 塞門武功伯 千壹百石 除

楊善 塞門興濟伯 千貳百石 世指揮

張輓 塞門文安伯 千貳百石 世指揮

張軌 塞門太平侯 貳千石 世指揮

孫鐘 塞門懷寧伯 千叁百石侯 世

衛穎 塞門兼軍功宣城伯 千一百石 世

曹欽 塞門昭武伯 千貳百石 除

楊信 塞門彰武伯 千石 世

楊能 塞門武強伯 千石 世指揮使

陳友 征蠻武平伯 千石 流侯世伯

曹義 塞門豐潤伯 千貳百石 世

施聚 塞門懷柔伯 千壹百石 世

焦禮 塞門東寧伯 千貳百石 世

董興 塞門海寧伯 除

李文 塞門高陽伯 除

成化年封

劉聚 塞門察晉伯 千石 世

毛忠 征番伏羗伯 千石 世

趙輔 征蠻武靖伯 千貳百石 世

趙勝 營建昌寧伯 千石 世指揮使

王越 征胡威寧伯 千陸百石 除

李震 討賊興寧伯 千石 除

羅秉忠 征蠻順義伯 千石 除

和勇 征蠻靖安伯 千壹百石 世指揮使

正德年封

仇鉞 捕及咸寧伯 千一百石 侯 罪除

神英 禦胡涇陽伯 八百石 除

張富 太監 永弟 秦安伯 千石 除

張容 太監 永弟 安定伯 千石 除

武德 義兒 永壽伯 千石 除

谷大寬 太監 用兄 高平伯 千石 除

馬山 太監 成兄 平涼伯 千石 除

陸永 太監 閻弟 鎮平伯 千石 除

魏英 太監 彬弟 鎮安伯 千石 除

谷大亮 太監 用弟 永清伯 千石 除

江彬 義兒 平虜伯 千石 罪除

許太 義兒永定伯

除

嘉靖年封

王守仁捕反新建伯 千石

嘉靖八年春王守仁平思田捷疏盛稱諸盜流劫之禍

陷陣俘馘之多請加勞賞 上曰守仁放言自肆詆毀

先儒號召門徒虛聲附和用詐任情壞人心術近年士

子邪說皆其倡道宸濠之反移檄舉兵仗義射賊元惡

就擒功固可錄但師出無節奏捷誇張近日揜襲寨夷

恩威倒置伯爵僅與終身後有踵襲邪說果于非聖者

治之 隆慶元年復准世襲

陶仲文方士恭誠伯 千二百石 隆慶初罪除

萬曆年封

李成梁禦虜寧遠伯 千石

外戚封爵祿秩

家世 名 封邑爵 祿 進封 續封

孝誠 昭后 張昶 彭城伯 千伍百石 世

張昇 惠安伯 千壹百石 世

孝恭 章后 孫忠 會昌伯 千貳百石 侯 除

英太后 吳安 安平伯 千石 除

孝莊 錢承宗 安昌伯 千石 除

孝肅 周壽 慶雲伯 千石 侯 除

周彧 長寧伯 千石 除

孝貞 王源 瑞安伯 千石 侯 除

王清 崇善伯 千石 除

王濟 安仁伯 千石 除

孝惠 邵喜 昌化伯 千石 除

孝康 張巒 壽寧伯 千伍百石 侯 昌 除

張延齡 建昌伯 千陸百石 侯 二十五年棄市 除

藥 蔣翰 玉田伯 千石 除

孝詩 夏儒 慶陽伯 千石 除

孝潔 陳萬言 泰和伯 千石 除

孝烈 方銳 安平伯 千石 侯

永康 駙馬 崔元 京山 侯 千伍百石 除

仁聖 陳景行 固安 伯 除

孝懿 李銘 德平 伯 千石

慈聖 李偉 武清 伯 萬曆三十年以 聖躬痊好加祿 三百石

銘之初封 穆宗未知 慈聖非銘出故加恩無異生
存後 慈聖自言狀始推恩于親父李偉

今上 王偉 永年伯

嘉靖十五年泰和伯陳萬言嫡孫書乞襲吏部張邦奇言
外戚封無世者 上命為指揮

隆慶元年吏部覆主事郭諫臣奏一 本朝重典非軍功

不得世襲 皇親玉田伯蔣榮安平伯方承裕宜止終

本身照奉和伯陳萬言例仍著為令本身後不許再襲

萬曆年閣臣張居正疏今日該文書官丘得用口傳 聖

旨 皇親都督同知王偉着進封伯爵擬 旨來行欽

此并將 正德二年封慶陽伯夏儒 嘉靖二年封泰

和伯陳萬言及各子男輩授官事例傳示臣等恭照

聖祖定制公侯伯爵非有軍功不得濫封國初如魏定

兩公自以佐 命元勳聯姻 帝室彭城惠安雖託籍

戚里然亦半有軍功敗士剖符皆無容議宣德中季始

有恩澤之封弘治以來遂為故事然實非 高皇帝

之舊也嘉靖八年 世宗皇帝曾 詔廷臣會議外戚

封拜事理該府部等衙門議稱 祖宗之制非軍功不

封夫爵賞者天下之爵賞人主所持以勵世之具也今使椒房之屬與有大勲勞之人並享茅土非所以昭有功勸有德也今除已封見任者姑准終身外此後凡皇親駙馬俱要查照 祖宗舊制不許夤緣請封其有出自 特恩一時賞賚者亦止照 祖宗朝故事量授指揮千百戶等官以榮終身敢有違例奏請希圖恩澤妄引洪熙以後事例比乞者聽本部及科道官即時舉劾真之重典以為貪冒不知止足者之戒等因奉 聖旨卿等既會議停當外戚封爵古未有我 皇祖亦未

有制典魏定二國公雖為戚里實開國佐 命靖難元勲難同其功彭城惠安二伯亦有軍功居半都着照舊襲封其餘以為戚里濫膺重爵名器既輕人不知觀見任的都當查革但其中有干 先朝恩命及已封者姑與終身子孫不許承襲欽此我 世祖超世之見同符 二祖非近代帝王所能彷彿其萬一者嗣後雖曾垂澤安平許傳再世則以 孝烈皇后有翦逆保 駕之功 特旨酬賞非援例進封者也臣等竊以為我 皇上當英妙之齡事事皆祇適 先猷憲章 烈祖則

太祖定制與世祖聖諭正宜仰稽而效法者但既有正德以後事例王偉係中宮至親臣等不敢抗違謹擬傳帖上請聖裁發下吏部施行其皇親子男輩姑且從容俟後再有大喜慶事然後加恩未晚也臣等謹查嘉靖八年世宗皇帝聖旨及廷臣會議二本進呈御覽用見先朝恩封外戚始末伏惟聖明垂覽

時閣臣張居正外戚子弟恩廕疏昨該文書房官丘議得用口傳聖旨欲將皇親永年伯王偉弟男加

恩授職臣等謹欽遵擬傳帖將王偉弟王俊男王棟各與做錦衣衛正千戶帶俸項又該丘得用傳示聖意說正德間皇親夏助等授錦衣衛指揮使等官世襲今何止授千戶又無世襲字樣以臣等所擬為薄臣等不勝惶悚仰惟皇上篤眷中宮加恩外戚此乃情禮之至當臣等敢不仰承但查正德二年雖有此例至世宗皇帝登極之悉已釐革凡皇親授官無論大小皆不得世襲故泰和伯陳萬言係元配孝潔皇后之父伊男陳紹祖原係監生出身亦止授尚寶

司丞文官未嘗世襲也又查得隆慶年間今 仁聖懿
安皇太后之父固安伯陳景行伊男陳昌言初亦止授
錦衣衛千戶至 皇上登極因恭上 兩宮尊號方
降勅將陳景行長男陳昌言陞錦衣衛指揮僉事次男
陳嘉言授錦衣衛副千戶 慈聖宣文皇太后父李偉
封武清伯長男李文全授錦衣衛指揮僉事次李文
授錦衣衛副千戶 祖宗舊制決不敢違越也臣等又
惟 皇上與 中宮 聖壽萬年將來 皇儲兆慶繩
繩振振推 恩戚里固未可量似亦不在此一時也伏

望 聖明俯鑒臣等愚誠 特賜俞允不勝幸甚 萬
曆九年二月十一日奉 旨皇親永年伯王偉男王棟
與做錦衣衛指揮僉事弟王俊錦衣衛正千戶俱帶俸

續文獻通考卷之一百九十八

皇明進士雲間王圻纂輯

道統考 總圖 傳經圖說 總論 肇統列聖

道統總圖

皋陶 伊尹 太公望

伏羲 神農 黃帝 堯 舜 禹 湯 文王 武王

萊朱 散宜生

曾子

程子

武王 周公 孔子 子思 孟子 周子

顏子

程子

呂原明 呂好問 呂祖謙 徐僑

胡憲 魏掞之

譙定

劉勉之

邵子 謝顯道 朱子發

張敬夫

程子 楊中立 胡仁仲 李愿中 朱子

羅仲素

張子

陸子 楊簡

趙復 許衡

輔廣 魏了翁

杜曄 杜範 車若水 黃起然

朱子 黃幹 何基 王柏 金履祥 許謙

蔡元定 蔡沈 蔡抗

真德秀

經傳圖說

周易孔子 商瞿 馯臂 矯疵 周堅 孫虞 田何

姚平

焦延壽 京房 殷嘉

孟喜 翟牧 乘弘

孟但 白光

即黑成 趙賓 戴崇

丁寬 田王孫 施讎 張禹 彭宣

周王孫 魯伯 毛莫如

田何 王同 楊何 邴丹

服生

周霸 五鹿充宗 孫張

衡胡 梁邱賀 梁邱臨 王駿 鄧彭祖

易更三聖謂伏羲文王孔子世歷三古謂伏羲為上古文
為中古孔子為下古而商瞿者孔門七十弟子之列也
授經為真其傳自魯燕東武以至於齊田何何故齊王
族也漢初例徒關中於是易入中朝自何以上源出於
一自何以下流分為四而施孟梁京之學立矣房或云
楊何弟子或云受易焦延壽或云房門人為梁邱賀然
房之學大抵從焦焦嘗從孟喜孟氏四家之外又有高

費二家之學高相授毋將永費直授王璜皆無師傳專言灾異相自言出於丁寬石渠之議梁邱得立博士光武初始立四家博士戴賓劉昆為施氏注丹安任雒陽鴻為孟氏范升楊政張興為梁邱氏戴憑隗滿孫期為京氏劉向以中古文易經校施孟梁邱經或脫去无咎悔亡惟費氏經與古文同其後又有馬融荀爽鄭玄劉表虞翻陸續王弼之屬漢志易有十三家唐七十六家宋一百四十家皆周易也連山易已亡周劉炫作偽易十卷歸藏易十三篇隋時始出僅存三篇皆無師傳

皇明惟朱子本義列於學宮而成祖命儒臣纂脩易經大全行於世

尚書伏生

歐陽和伯 倪寬 歐陽生 某 歐陽高
 張生 夏侯都尉 夏侯昌 夏侯勝

曹曾 曹社

歐陽欽 禮震

陳弇 丁鴻

歐陽高 歐陽地餘 歐陽政

朱晉

林尊 平常 鮑宣

陳翁生 殷崇

龔勝

假蒼

秦恭 馮賓

夏侯建 張山拊 鄭寬中 趙玄

李尋

炆欽 張無故 唐尊

夏侯勝 周堪 許商 唐林

吳章

牟卿 王吉

孔霸 孔光

書纂自孔子上斷於堯下訖於秦秦燔書禁學濟南伏生
 獨壁藏之漢興亡失求得二十九篇以教齊魯之間訖
 孝宣世有歐陽大小夏侯氏立於學官然歐陽氏八世
 傳業至光武時歛學大行門生千人又為司徒封侯其
 書亦遂立為博士東京年長宗登桓榮為歐陽氏年融
 張訓為大夏侯氏王良為小夏侯氏其後三家皆亡於
 永嘉之亂而古文之書始行於六朝伏書二十八篇孔
 書五十八篇朱子曰熹嘗疑孔書是假書漢志尚書九
 家唐志二十五家宋志四十三家 皇明惟尚書蔡沉

註列於學官而 成祖命儒臣纂脩書經大全行於世

王璜

古文尚書孔安國 都尉朝 庸譚 胡常 徐敖

塗暉

桑欽

古文尚書者出孔子壁中漢武帝末魯共王壞孔子宅欲以廣其宮而得古文尚書及禮記論語孝經凡數十篇皆古字也共王往入其宅聞古琴瑟鐘磬之音於是懼乃止孔安國得其書獻之劉向以中古文校歐陽大小夏侯三家經文酒誥脫簡一召誥脫簡二文字異者七百餘脫字數十惜其晚出不獲列於學官東京杜林最好之賈逵馬融鄭玄之屬為作訓解然石經卒從伏氏晉鄭冲又好之以授蘓愉愉授梁柳柳授臧曹曹授梅頤為豫章內史上其書而有缺興至隋始備蔡大寶劉炫之屬皆宗之而孔學大行然姚方興所上舜典多二十八字識者終不能無疑焉西漢又有東萊書百二篇黜為偽書平當周敞皆經師共勸留之不能得二子之留豈非以中書所校者乃伏氏之書不可盡據歟然其篇目有九恭寶原命肆命與書序相照豈亦有可留者不得以樊並之故而廢之宋元豐中唐州民家得三墳書晁公武云亦偽書

齊詩 轅固生 夏侯始昌 后倉 匡衡 滿昌 張邯

翼奉 師丹 皮容

蕭望之 伏理

闕門慶忌

趙綰

王臧 韋賞

魯詩 浮邱伯 申公 瑕邱江公 韋賢 韋玄成

唐長賓

徐公 王式 張長安

孔安國 褚少孫

薛廣德

張長安 張遊卿 許晏

王扶

薛廣德 龔舍

賁生

韓詩 韓嬰 食子公 栗豐 張就

趙子 蔡誼

王吉 長孫順

毛詩 卜子夏 申公 毛亨 毛萇 貫長卿

貫長卿 解延年 徐敖 陳俠

古有采詩之官王者所以觀風俗知得失自考正也孔子
純取周詩上采殷下取魯凡三百五篇遭秦而全者以
其諷誦不獨在竹帛故也漢世言詩者四家齊轅固生
傳伏恭任末為齊詩魯申公傳包咸高詡魏應為魯詩
燕韓嬰傳薛漢召馴澹臺敬伯為韓詩荀卿授魯國毛

享毛萇傳謝曼卿衛宏賈逵鄭眾馬融鄭玄為毛詩宏
 作小序時人謂亨為大毛公萇為小毛公齊魯韓三家
 並立於學官毛詩至漢平始得立齊詩亡於曹衛魯詩
 亡於西晉韓詩內傳亡於隋三詩既亡而毛傳獨行蓋
 大毛公之詩得之申公申公得之子夏其說多合于金
 滕儀禮國語孟子諸書自漢晉以至唐宋皆用其說至
 鄭樵作毛詩辨妄始以己意解之朱子集註乃多主鄭
 玄鄭玄有詩譜歐陽公有詩圖皆為十四國世次而作
 漢志詩六家唐志二十五家宋志五十三家 皇明設

學造士專主朱子集傳而諸家之學止備參考 成祖
 命儒臣纂脩詩經大全行於世

公

羊 卜子夏 公羊高 公羊平 公羊地 公羊敢
 傳 公羊壽

貢禹 棠谿惠 冥都
 嚴彭祖 王仲 東門雲

公孫文

公羊壽

王彥

董仲舒

褚太

劉向

左咸

胡毋子都

嬴公

眭孟

顏安樂

冷豐

馬宮

段仲温

任公

呂步舒

孟卿

踈廣

莞路

孫寶

公孫弘

左傳

左邱明

魯甲

吳起

吳期

鐸叔

虞卿

孫卿

張倉

賈誼

貫公

張禹

尹更始

翟方進

尹更始

尹咸

劉歆

胡常

賈護

陳欽

王莽

穀梁傳 子夏 穀梁赤 孫卿 申公 瑕邱江公

丁姓 申章

崇廣 周慶

瑕邱江公

子

孫

胡常

蕭秉

房鳳

尹更始

尹咸

皓星公

蔡千秋

劉向

翟方進

古之王者世有史官君舉必書所以慎言行昭法戒也左
記言右史記事為春秋言為尚書周室既微載籍無

殘缺仲尼存前聖之業以魯周公之國史官有法又

使子夏等十四人求周史記得百二十國寶書與左邱

明據行事仍人道因興以立功就敗以行罰假日月以

定歷數籍聘以正禮樂作為春秋又以書義有所褒

諱貶損不可顯書口授弟子弟子退而異言邱明恐人

執所見以失其實因據時事而作傳明夫子不以空言

說經也及末世口說流行故有公羊穀梁鄒夾之傳四

家之中惟公羊穀梁立於學官余讀子夏喪服傳乃知

公穀之文有所本焉三傳之行公羊獨盛蓋董仲舒公

孫弘以春秋顯其後顏嚴二氏之學益廣武帝為之別立顏嚴二博士唐玄宗所謂學開五傳者也穀梁之傳甚寡惟戾太子好之宣帝為立博士亦故劍之意也卒不著東漢謝詠穎容為左氏張玄為顏氏丁恭周澤為嚴氏又有李育何休盛推公羊為作墨守而穀梁寢微矣歷漢魏西晉至南渡始得范武子漢志春秋二十三家唐志六十六家宋志一百二十九家 皇明惟春秋胡安國傳列於學官而 成祖命儒臣纂脩春秋大全行於世

公戶滿

徐生 徐襄 徐延 桓生

單次

禮 高堂生

聞人通漢 方梁

楊榮

戴聖 橋仁

蕭奮 孟卿 后倉 戴德 徐良

閻邱卿 慶普 慶咸

夏侯敬

帝王質文世有損益至周曲為之防事為之制周衰諸侯將踰法度惡其害已滅去其籍漢興魯高堂生傳士禮十七篇訖於孝宣之世后倉最明戴德戴聖慶普皆其弟子三家立於學官禮古經出於魯淹中高堂生蕭奮孟卿后倉二戴所傳儀禮也戴德傳記八十五篇大戴禮也戴聖傳禮四十九篇今禮記也西漢慶氏與二戴並行東漢止立二戴博士後惟曹褒父子宗慶氏學漢末鄭玄好小戴記為之注通儀禮周官為三禮云漢志禮十三家唐志六十九家宋志六十四家

樂記雜於禮記中凡六家漢興制氏以雅樂聲律世在樂官頗能記其鏗鏘鼓舞而不能言其義武帝時河間獻王好儒與毛生等共采周官及諸子言樂事者以作樂記與制氏不相遠 皇明惟陳澔禮記註列於學官而成祖命儒臣纂修禮記大全行于世

鄭興 鄭眾

周禮 劉向 劉歆 杜子春

賈逵 馬融 鄭玄

秦用商鞅法政尚酷烈與周官相反故搜禁焚燒獨慘至漢孝武開獻書之路是書雖出入於秘府五家之儒莫

得而見故不立博士成帝詔劉向校錄經傳子歆繼之知周禮為周公致太平之迹始得列序著於錄略而里人河南緱氏杜子春年且九十能通其說鄭興與子眾及賈逵往受業焉由是議郎衛次仲南郡太守馬季良皆著周禮解詁乃林孝存曰武帝知周官末世瀆亂不驗之書故作十論七難以排棄之何休亦以為六國陰謀之書唯鄭玄徧覽群經以為經世大法具載周禮故能荅林碩之論網羅眾家為之條註陸德明為之釋文唐賈公彥為之疏而後周禮大行于世

翼奉

江翁

孝經 顏芝 顏貞 長孫氏

后倉

張禹

按^考經自魯恭王得之孔壁皆蝌斗書人無識者孔安國以今文考定書之竹簡唐玄宗自註詔元澹為疏始立於學官有顏經十八章孔安國傳二十二章劉向從顏氏

王吉 張禹

王卿

齊論語 二十二篇有問王知道二篇 庸譚

韋賢 韋玄成

魯論語 二十篇 夏侯勝 蕭望之

夏侯建 張禹

古論語 二十一篇分堯曰子張問為二篇 孔安國 扶卿

按王充云武帝得論語於孔壁中皆名曰傳孔安國以古
 論教晉人扶卿始曰論語漢安昌侯張禹受魯論于夏
 侯建又從王吉受齊論擇善而從號曰張侯論禹以授
 成帝後漢包咸周氏並為章句列於學官古論惟安國
 為之訓解而世不傳漢末鄭玄以張侯論為本參考齊
 論古論而為之注魏何晏又為集解梁陳時惟鄭何立
 於國學 皇明惟朱氏論語集註列於學官而 成祖
 命儒臣纂修論語大全行於世

大學
中庸

戴聖

程頤

朱熹

程顥

學庸二書漢小戴輯入禮記四十九篇之中孝宣立小戴
 禮而二書已列於學官至宋二程氏又表章之宋孝宗
 淳熙中朱熹既集註論孟又取大學中庸為之章句或
 問通稱為四書寧宗嘉定四年國子司業劉燾奏刊朱
 子四書於太學由是四書之傳大行於世 皇明亦惟
 朱子學庸章句列於學官與 成祖命儒臣纂修大學

中庸大全並行

陸善經 註七篇

孟子

趙岐 註十四篇

孫奭 疏

丁公著 音釋

孟子前史皆在儒家趙岐陸善經為之註張鎰丁公著為之音釋至宋治列於經而孫奭為之疏孟子有外書四篇性善辯文說孝經為政趙岐云偽書也漢文帝嘗置孟子博士其後王充馮休李暹司馬公林慎思鄭原叔之後與孟子異者凡六家故世儒又有翼孟尊孟書

皇明惟朱子所註孟子書列於學官而 成祖命儒臣纂修孟子大全行於世

郭璞

樊光

爾雅 周公 孔子 卜子夏 叔孫通 梁文 劉歆

孫炎

爾雅舊附孝經六書為小學之書隋經籍志以附論語類至唐陸德明始以為周公之書列于經趙岐云孝文嘗立爾雅博士然史漢無徵焉嘗考之前代小學十家古

者八歲入小學故保氏掌教國子教之六書謂象形指
事會意諧聲轉注假借造字之本也漢興蕭何草律亦
著其法曰太史試學以六體試之六體者古文奇字篆
書隸書繆篆蟲書皆所以知古今文字摹印章書幡信
也古例書必同文不知則闕問諸故老至於衰世是非
無証人用其私 皇明太祖輯洪武正韻一書頒行天
下令科試行移一以是書為準

統總論

天下不可一日而無此道則斯道之統不可一日而無傳

統之絕續道之存亡係焉然上無表章之主則無以綱
羅放失下無師承之士則無以闡發幽秘是人又統之
所賴以不墜也者故羲農軒轅堯舜相繼御寓而萬世
道學之統始開見而知此者為禹臯陶為伊萊呂散聞
而知此者為成湯文武周公維時斯道大明如日中天
而統系之傳莫或有奸之者自姬室陵夷諸侯竊命邪
說橫流統之不絕者僅如綫耳孔子憫王政之廢缺論
次詩書脩明禮樂作春秋垂萬世而統歸泯泗矣七十
子之徒遵其教以遊列國如子思之居衛子張之居陳

子游之居吳子夏之居西河而田子方段干木之屬皆
受業於子夏雖其人賢不肖殊科而其衍洙泗之統則
一也威顯之際孫吳蘇張各立門戶聖代遺言幾于絕
響孟軻氏接曾子子思之傳潤色孔子之業以表于戰
國然淹中稷下八儒三墨漆園黍谷名法兵農之流爭
鳴輦出而道統幾為天下裂迨至嬴秦焚坑並作而六
藝始蕩然矣猶幸斯文未喪于天而山岩屋壁之藏尚
存十一也漢惠帝除挾書律而後殘編斷簡稍稍間出
武帝表章于前學士景從風嚮而昭宣元繼之增置博

士設甲乙丙三科以招延弟子業一經者位皆至通顯
而儒術始大行于世更始以降典籍散亡又道統之二
厄也光武中興首訪儒雅採求闕逸而後四方學士抱
負墳策雲集京師立五經博士各以家法教授明帝臨
雍執經問難建初中大會諸儒于白虎觀肅宗稱制裁
決如石渠故事靈之不君猶能詔諸儒正定經書刻石
學門逮董卓移都而辟雍東觀蘭臺石室宣明鴻都所
藏散佚幾半王允收其餘賸載之以西猶盈七十餘車
尋遭長安之亂殘缺殆盡特少嬴秦之燬耳三國紛爭

詩書絕講雖有王肅孫叔然輩勦獵陳言互相論駁第少延漢儒之一脉耳魏晉六朝風斯頹矣背闕里之典章逐玄虛之陋習運否道消可為長嘆時則有范平文立徐邈范宣諸賢並崇經學差強人意至南北分裂之日君臣習于戰鬥士庶怠于橫經雖魏文梁武頗號知儒黃初建安天監中開館設學射策明經崔嚴何伏之徒前後互見斯亦燭火之餘光也隋文受禪嚮意儒林所辟元善何妥劉炫劉焯房暉遠輩爭鳴于朝王仲淹輩教授于鄉質疑受業後進亦有賴焉晉陽啟祚文治

蔚興太宗偃武脩文開館招延惇師秀艾負素畢至雖正五經創立義疏貞觀開元之盛庶幾有功于教化祿山之亂官緡私楮喪脫良多文宗用張參等是正訛漏然去貞開遠矣後之譚道統者惟知漢人羽翼聖經而不知隋唐以來如陸元朗顏師古孔穎達褚無量諸人恪守師門討析經義闡明聖蘊俾斯文之統不遂斬絕以俟宋室諸君子其功可畫泯哉唐末五代藻翰之士非不間作于吾道之絕續奚賴焉宋朝中葉文運肇興春陵周敦頤氏得聖賢傳心之秘而河南二程兄弟及

門受業益充擴其所未發迄于南渡新安朱考亭氏者
出接程氏之正傳而二氏門人各以其學互相發明然
後孔孟遺言煥然復明于斯世元以蒙古部入主華夏
猶知崇重聖道而吳澄許衡諸賢力排異議其源流並
有端緒固不得以出處之際而槩少之也

皇明御極變夷為華

太祖投戈講藝朝夕不倦設科取士一以程朱為正的
成祖輯五經性理大全以開群蒙
宣宗著五倫全書以詔來學

世宗闡敬一微言以上接乎堯舜之傳蓋自
列聖以及

今上靡匪尊儒重道 幸學開筵而黜百家崇六典 詔

重脩十三經註疏及二十一史以收菁莪樸棧之効一

時雲蒸霧合之士非周公孔子之道不道非濂洛關閩

之學弗學如薛文清陳白沙陳剝夫胡敬齋羅一峰陳

克庵諸先生其著述其講論其經濟皆粹然一出于正

千百年斯道之統非斯人吾誰與歸先達諸公嘗著道

學傳及理學名臣錄庶幾備矣而源委未詳姓氏脫畧

觀者不能無遺恨故哀其世次之畧採其統緒之全別為道統一考附帝系考之後庶治教二統咸有所證據而不至泯沒無稽云

肇統列聖

太昊伏羲氏又曰庖犧氏皇雄氏亦曰天皇燧人氏之子母曰華胥履大人跡于雷澤而孕因風而生故為風姓生于成紀都于陳繼天而王為百王先德合上下天應以鳥獸文章地應以河圖洛書仰觀俯察中觀物宜始作書契畫八卦象法乾坤以正君臣父子夫婦之義制

嫁娶作律法定五行造甲歷日月歲時自此而生疏導泉源析民田里分九州之牧而天下化洽修身理性反其天真而樂音自此而興實萬世道學之祖

炎帝神農氏起于列山曰烈山氏亦曰連山氏曰大庭氏曰魁隗氏亦曰人皇少典之元子其母曰女登感神龍之祥而生長于姜水故為姜姓以火德王故為炎帝初都于陳後徙魯始作耒耜教民藝五穀故曰神農畫八卦首艮作連山之易蓋繼伏羲而衍道學之統者

黃帝軒轅氏亦曰有熊氏帝鴻氏歸藏氏亦曰地皇少典

娶于有蟠氏孕二十四月而生帝于壽丘本姓公孫以
長于姬水故改姬姓都于有熊帝生而神靈代神農為
天子始制法度正名百物迎日推策演八卦作易名曰
坤乾又受河圖見日月星辰之象遂有星官之書又造
書契調鍾律紀歷數命倉頡為史官制文字衣服冕旒
舟車宮室弧矢之利靡不畢具鳳凰來巢麒麟遊囿裔
夷之人罔不來享實開百代文明之運

帝堯陶唐氏帝嚳之子摯之弟也名曰放勳姓伊祁初封
于陶後改為唐侯遷晉陽摯以荒淫見廢諸侯尊堯為

天子都平陽其德政具載典謨而以天下授舜首闡執
中之訓後世道學淵源實本于此

帝舜有虞氏曰重華母握登生于姚墟故姓姚及受堯禪
都蒲阪齊七政觀四岳肇十有二州封山濬川分任禹
臯陶稷契伯夷夔龍垂益彭祖以亮天工師紀后拜蒲
衣親善卷學于務成招天下明德自虞始後以天下禪
禹申明精一執中之旨是又發帝堯所未發

夏后氏禹妣姓母有莘氏女修己生于石紐長于西羗即
位都于韓聲律身度克勤克儉治水成功天下宗為山

川鬼神主而拜昌言惡旨酒祗台德先無非欲存此心
以上繼堯舜之統至神龜出洛天錫以洪範九疇乃知
宛委之金簡玉文殆非盡出于傳會

商王湯名履亦曰成湯亦曰天乙主癸之子廟號烈祖始
封于商遷于亳亳有澗水故亦謂之殷天錫勇智表正
萬邦伐夏受命寬仁彰信昭德建中以禮義為制事制
心之要真帝王傳心大法也作歸藏易以坤為首

周文王昌襲公季為西伯遷于豐遵后稷公劉之業則古
公公季之法篤仁優老慈少禮賢日中不暇食以待士
士多歸之紂用崇侯虎譖囚于羑里究明易道演八卦
為六十四重易六爻作上下篇信誼行于諸侯終守臣
節是時五星聚房赤雀啣書止于屋又有黃龍玄龜白
魚負圖之應

周武王名發文王仲子也伐紂踐祚三日用師尚父丹書
言留心敬怠義欲之辨作銘書于籍几鑑盥盤楯杖帶
履觴豆戶牖劔弓矛以自警十有三祀訪箕子陳洪範
以叙彛倫蓋能修文王之業以上承列聖者

周公旦武王弟也旦為子仁孝異于群子佐武王伐紂作

牧誓武王有疾作策告先王願以身代藏策金縢匱中
成王立旦攝政負扆以朝諸侯召公疑之欲引去作君
奭避流言居東作鷓鴣之詩以貽王時暴風雷雨偃禾
拔木王啟金縢感泣迎公天乃雨反風禾盡起管蔡武
庚叛公作大誥誅管叔殺武庚放蔡叔三年而定作立
政作多方董正治官制禮作樂作周官布衣之士公所
費而師者十人所友見者十二人窮巷白屋先見者四
十九人進善百人教士千人官朝者萬人召公營洛邑
作召誥洛誥王既遷殷遺民公以王命作多士分正東

都作蔡仲之命在豐作無逸篇中所言無非援引古先
哲王之心法治法蓋不獨近兼三王實遠紹乎二帝者
也

孔子名丘字仲尼微子之後故焉宋人叔梁紇其父也紇
祖防叔避華督之難奔魯魯襄公二十二年生孔子于
魯昌平鄉年少好禮有聖人之表河目而龍顏修肱而
龜背長九尺六寸言必稱先王躬履謙讓洽聞疆記仕
魯為小吏見郊子而問官問禮學琴于師襄適齊訪樂
于莒弘適周問禮于老聃魯國僭亂離于正道遂不仕

退而詩書禮樂遠方莫不受業後在魯為中都宰為為
司空為大司寇攝朝政設法而不用無姦民已而適衛
適宋適陳適曹適鄭皆不合還息鄆鄉作鄆操尋又之
宋之衛之齊之楚而歸魯終不求仕乃追述三代之禮
序書傳上紀唐虞下至秦繆編次其事古詩三千餘篇
夫子去其重取可施于禮義九三百五篇皆弦歌之以
求合韶武雅頌之音禮樂自此可述晚喜易作彖象繫
辭文言序卦之屬讀之常編三絕以六藝教弟子三千
而通者七十二人魯哀公春狩獲麟夫子泣曰吾道窮

矣乃因史記作春秋舉十二公行事繩之以文武之道
成一王之法七十三歲而歿蓋哀公十六年四月乙丑
也

按孔子卒後七十子之徒散游諸侯大者為師傅卿相
小者友教士大夫或隱而不見故子路居衛子張居陳
澹臺子羽居楚子夏居西河子夏終于齊如田子方段
干木吳起禽滑釐之屬皆受業于子夏之倫為王者師
是時獨魏文侯好學陵遲以至于始皇天下並爭儒術
大絀而齊魯之間學者獨不廢則七十二子之功也今

姓名事迹畧具于後

繼統列聖

斯道之正統自伏羲以及文武周孔尚矣其歷代表章經術延禮儒紳凡有功于吾道者亦皆收錄以備參考如治統之有閔位君德瑕瑜弗計也

漢武帝即位趙綰王臧之屬明儒學而上亦嚮之於是招方正賢良文學之士自是言詩則魯申培公齊轅固生燕韓太傅言尚書則濟南伏生言禮則魯高堂生言易則菑川田生言春秋則魯國胡毋生趙董仲舒而公孫

弘以春秋白衣為天子三公封平津侯天下學士靡然以儒術起家

漢昭帝時舉賢良文學增博士弟子員滿百人宣帝末增倍之元帝好儒能通一經者皆復數年平帝時增元士之子得受業如弟子勿以為員歲課甲科四十人為郎中乙科二十人為太子舍人丙科四十人補文學掌故漢光武雅好經術未及下車先訪儒雅採求關文四方學士悉抱負墳策雲會京師范升陳元鄭興杜林衛宏劉昆桓榮之徒繼踵而集于是立五經博士各以家法教

授易有施孟梁丘京氏尚書歐陽大小夏侯詩齊魯韓
毛禮大小戴春秋嚴顏九十四博士太常差次總領焉
漢明帝初建三雍冠通天衣日月備法物之駕盛清道之
儀坐明堂而朝群后登靈臺以望雲物袒割辟雍之上
尊養三老五更饗射禮畢帝正坐自講諸儒執經問難
于前冠帶縉紳之人園橋門而觀聽者蓋億萬計其後
復為功臣子孫四姓末屬別立校舍搜選高能以受其
業自期門羽林之士悉令通孝經章句匈奴亦遣子入
學濟濟洋洋盛于永平矣建初中大會諸儒于白虎觀

考詳同異連月乃罷肅宗親臨稱制如石渠故事顧命
史臣著為通義又詔高才生受古文尚書毛詩穀梁左
氏春秋雖不立學官然皆擢高第為講郎給事近署所
以網羅遺逸博存衆家孝和亦數幸東觀覽閱書林及
鄧后稱制學者頗懈時樊準徐防並陳敦學之宜又言
儒職多非其人於是制詔公卿妙簡其選三署即能通
經術者皆得察舉自安帝薄於藝文博士倚席不講靈
帝乃詔諸儒正定五經刊於石碑為古文篆隸三體書
法以相參檢樹之學門使天下咸取則焉初光武遷還

洛陽其經牒秘書載至二千餘輛自後三倍于前及董卓移都吏民擾亂辟雍東觀蘭臺石室宣明鴻都諸藏典冊文章競共剖散王允所收而西者纔七十餘乘道路艱遠復棄其半後長安之亂一時焚蕩無復存者魏道武初定中原便以經說為先立太學置五經博士生員千有餘人天興二年增國子太學生員至三千人四年春命樂師入學習舞釋菜于先師至明元時改國子為中書學立教授博士太武始光三年春起太學于城東後徵名儒高允等而令州郡各舉才學于是人多砥

尚儒林轉興文獻天安初詔立鄉學郡置博士助教太和中改中書學為國子學建明堂辟雍尊三老五更又開皇子之學及遷都洛邑詔立國子太學四門小學孝文篤好墳籍坐輿據鞍不忘講道劉芳李彪諸人以經書進崔光邢巒之徒以文史達其餘涉獵典章閑習詞翰莫不靡以好爵動貽賞眷于是斯文鬱然比隆漢室矣宣武時復詔營國學樹小學于四門大選儒生以為小學博士員四十人雖黌宇未立而經術彌顯時天下承平學業大盛故齊燕趙魏之間橫經著錄不可勝數

續文獻通考 卷之二百九十八
大者千餘人小者猶數百州舉茂異郡貢孝廉對揚王
庭每年逾衆神龜正光以後不足觀也

齊神武生於邊朔仗義建旗因魏氏喪亂爾朱殘酷之後
文章禮樂銷鑠殆盡永熙中孝武復釋奠于國學又于
顯陽殿詔祭酒劉瓛講孝經黃門李郁說禮記中庸舍
人盧景宣講大戴禮夏小正篇又置生儒七十二人及
永熙西遷天平北徙雖庠序之制有所未遑而儒雅之
道遽形心慮時初遷都于鄴國子置生三十六人至興
和武定之間儒業復盛矣始天平中范陽盧景裕同從

兄仲禮起逆齊神武免其罪置之賓館以經教授太原
公以下及景裕卒又以趙郡李同軌繼之二賢並大蒙
恩遇待以殊禮同軌云亡復徵中山張彫武勃海李鉉
刁柔中山石曜等遞為諸子師友及天保大寧武平之
朝亦引進名儒授皇太子諸王經術然自始基暨于季
世唯濟南之在儲宮性識聰敏頗自砥礪以成其美自
餘多驕恣違禮絕無聞焉

周文帝雅重經典時西都板蕩先王舊章掃地盡矣文帝
求闕文于三古得至理于千載黜魏晉之制度復姬旦

之茂典盧景宣修五禮之缺長孫紹遠正六樂之訛朝章漸備學者嚮風及明皇續歷敦尚學藝內有崇文之觀外有成均之職握素懷鉛之士濟濟焉足踰前代矣保定三年詔尊太保燕公為三老帝服袞冕乘碧輅陳文物備禮容清蹕而臨太學俎割以食之奉觴以醕之斯稱一朝盛事其後徵沈重于南荆待熊安生以殊禮開黌舍以延學徒雖通儒盛業不逮魏晉之臣而風移俗變抑亦近代之美觀也

隋文帝膺期纂歷平一寰宇旌帛招賢好爵縻士四海九州強學待問之士靡不畢集乃整萬乘率百僚遵問道之儀觀釋奠之禮博士聲懸河之辯侍中竭重席之奧考正亡逸研覈異同積滯群疑渙然冰釋于是超擢奇雋厚賞諸儒京邑達乎四方皆啟黌校齊魯趙魏學者尤多負笈追師不遠千里講誦之聲道路不絕中州之盛自漢魏以來一時而已及帝暮年精華少竭不悅儒術專尚刑名執政之徒咸非篤好暨仁壽間遂廢天下之學唯存國子一所弟子七十二人迨煬帝即位復開庠序國子郡縣之學開皇初徵辟儒生遠近畢至相與

講論得失于東都之下舊儒雖已凋亡而信都劉士元河間劉光伯學通南北博極今古後生瞻仰所製諸經議疏縉紳咸師宗之既而四郊戎馬師徒怠散空有建學之名而無弘道之實其風漸墜以至滅亡

梁武帝創業深愍晉儒之弊天監四年詔開五館建立國學總以五經教授置五經博士各一人于是以平原明山賓吳郡陸璣吳興沈峻建平嚴植之會稽賀陽補博士各主一館館有數百生給其餼廩其射策通明經者即除為吏又選學生遣就會稽雲門山受業于廬江何

胤分遣博士祭酒到州郡立學又詔皇太子宗室王侯始就學受業武帝親屈車駕釋奠于先師先聖申之以詔語賚之以束帛庶幾大道之行也

唐太宗身披橐鞬銳情經術即王府開文學館召名儒為學士與議天下事既即位殿左置弘館文悉引內學士士番宿更休聽朝之間則與討古今治道前王所以成敗或日晏夜艾未嘗少怠貞觀六年詔罷周公祠更以孔子為先聖顏氏為先師畫召天下博師耆德以為學官數臨幸觀釋菜命祭酒博士講論經義賜以束帛諸生

能通一經者得署吏廣學舍千一百區三學益生員并
置書筭二學皆有博士自元平屯營飛騎皆給博士授
經能通一經者聽入貢限四方秀艾挾策空集文治勃
興于是新羅高昌百濟吐蕃高麗等郡酋長並遣子弟
入學鼓笥踵堂者凡八千餘人史稱三代之盛不是過
也帝又讎正五經繆缺頒示諸學與諸儒校章句為義
疏俾久其傳因詔前代通儒梁皇侶褚仲都周熊安生
沈重陳沈文阿周弘正張譏隋何妥劉炫等之孫並加
引擢二十六年詔左丘明卜子夏公羊高穀梁赤伏勝

高堂生戴聖毛萇孔安國劉向鄭眾杜子春馬融盧植
鄭元服虔何休王肅王弼杜預范甯二十一人用其書
行其道咸有以褒大之配享孔子廟庭唐三百年之治
稱貞觀其然哉

唐玄宗詔群臣及府郡舉通經士而褚無量馬懷素等勸
講禁中天子尊禮不敢盡臣之置集賢院部分典籍乾
元殿博彙群書至六萬卷經籍大備又稱開元焉祿山
之禍兩京所藏喪脫幾盡章甫之徒劫為縵胡于是嗣
帝區區救亂之未遑安暇語貞觀開元事哉雖楊綰鄭

續文獻通考 卷之百九十八 三十五
餘慶鄭覃等以大儒輔政議優學科亦文辭之末耳至
文宗校定五經鏡之貞石命張參等是正訛文寥寥一
二可紀而斯道之系誰能續之

宗真宗卽第授經遊心翰墨以膺符稽古之主當五星聚
奎之運真儒始出得不傳之學于遺經帝親幸曲阜加
謚周孔詔譴非聖之書博選明經之士開崇文院以資
講讀復六科以羅俊乂而百年將絕未絕之統由此濬
其源矣

宋仁宗明道初年卽開經筵用孫奭馮元等講論語又開
邇英延義二閣寫尚書無逸篇于屏慶曆中詔建學興
善數幸國學始封孔子後為衍聖公且又表章學庸為
正學倡與語孟並行于世雖濂洛諸君子以關邢衛正
為己任而作率興起以畢真宗之志者仁宗之功亦足
尚也

宋高宗建炎初年播遷之際卽詔勿罷經筵夙夜經史講
求疑義追贈程頤以明示學者之趨向諭士大夫宜以
孔孟為師遣使求遺書于天下又以機務餘閒作文宣
王贊復贊七十二賢以廣列聖崇儒右文之典其于正

學亦庶幾焉

宋孝宗系出藝祖聰明剛毅為南渡諸帝稱首萬幾之暇取尚書所載敬天事作為兩圖朝夕觀覽以自警省而致孝太皇力行三年之制則又千載一人而已

宋理宗崇尚經術登進賢哲淳祐元年之詔以周惇頤張載程顥程頤深探聖域千載絕學始有指歸中興以來又得朱熹精思明辨使大學論孟中庸之書本末洞徹孔子之道益以大明于世又令學官列諸從祀罷王安石石配享製道統十三贊以示諸生親書朱熹白鹿洞學

規以賜國學一時山林理學之士如林易之陳藻林公遇何基徐幾並見褒錄至訓儲官有曰平日所謂脩身齊家當真實踐履勿為口耳之學殆有合于聖門授受之微意惡可因其任用匪人而遂病其為崇儒講藝之虛名也

皇明

太祖定鼎金陵即召儒士許元葉瓚玉胡翰汪仲山等會食中書進講經筵王宗顯知寧越府首命開郡學延葉儀宋濂為五經師戴良為學正吳沉徐原為訓導

而學校始聞弦誦之聲二年闢禮賢館以處劉基宋濂
章溢葉琛 賜坐講經史尋以濂提舉江西儒學遣
世子受經丙午 命有司訪求古今書籍藏之 秘府
以資覽閱江浙甫定即 命天下郡縣皆立學教授生
徒講論聖道四年 詔孔克表等釋四書五經名群經
類要以開群蒙十五年 幸國學釋菜 御講筵親說
禹臯陶謨洪範大旨自是或 御謹身或 御華蓋輒
講人心道心倚伏之機晚歲 訓群臣微引古道出言
成文動協典謨百年垂絕之統我 聖祖始續之矣

成祖靖難初年首 諭解縉等採輯經史子集等帙類成
一書以便考索鄱陽朱季文進書謗毀聖賢即 命司
府杖百悉焚其家著述解縉講大學正心章則 諭以
退朝默坐嘗思管束此心因北京儒士武關文論易則
語以易道在變通不失其正示胡廣以聖學心法而申
明執中建極之旨五經四書傳註之外復 令胡廣場
榮金幼孜等採取周程張朱諸君子性理之言增附其
下以爲大全頒布天下作爲程式真善繼 太祖之志
而述其事以昭垂後裔者也

仁宗孝友天植尤雅尚儒術勤于問學諸經無不研究而尤熟于書嘗曰爲治不出此書雖或小康皆苟道已於春秋曰先王禮壞是書所由作也卜筮不用俗占法必取正于易爻彖象及程朱之說信之甚篤王汝玉嘗言爲詩有法上曰三百篇何所法哉其明敏穎悟類若此初在東宮無他嗜好惟蓄經籍手不釋卷被服寬博亦類儒者嘗命刻真德秀大學衍義賜諸子曰爲人上不可不知此書雖在位僅十越月而一言一動靡弗求合于墳典

宣宗崇尚經術留心儒教先在邸第大寒大暑不廢書冊及其即位因儒臣進講易觀大象而晤帝王巡狩之禮以御書洪範及御製序示輔臣語意甚得古人之精蘊雖在位僅數年而惓惓以崇文講學為急務英宗曉朝慈極日御經筵初頒五倫五書以作士行繼率武臣幸學聽講五經以廣聖教聘處士吳與弼以弘儒術復辟之後益加慎畏古聖賢敬天勤民之統此為得之

憲宗二十四載無日不開講筵而闡經義命儒臣梓朱

熹通鑑綱目以明正統却侍郎周弘謨疑辯錄以絕紛
更經義之弊且輯文華大訓以教元良蓋帝王之學
識其大者

孝宗涵養充實默契聖真在 憲宗時進學脩德無少暇
逸嗣 位後知 永樂大典貯于文樓取置 宮中時
加省覽又尊崇聖道重建闕里 親製碑文遣輔臣往
告其省察克治必自身始嘗曰吾人若不自家管束誰
能管束纂 大明會典以成先志 命李東陽等脩歷
代通鑑纂要以便士業晚歲得張元楨所進太極圖及
性理諸書亟索觀覽且曰天生斯人以開朕使天假之
年 聖學未可量也

武宗賓天無嗣

世宗入繼大統英明神武同符 太祖而銳精經術嚮意
程朱為治以敬天法祖知人安民為務闡性道則敬一
有箴五箴有註敦綱常則明倫有典明堂有問蓋心學
淵源不特近紹 興獻家傳而直接危微精一之統矣
嘗念 國家太平百餘年而禮文章創未應古始乃悉
按三禮舊文摘抉疑義參以時制自 郊邱百神分合

正配以及 陵廟烝嘗農蚕崇祀諸禮靡弗約會經典
內斷於心以成一代制作之盛晚年 殿廷榜額悉取
洪範無逸字義名之而 欽天記頌諸篇其所得於尚
書執中之旨尤多

穆宗修嘉靖之政而享年不永傳至

今上皇帝于萬曆改元之初 親幸太學講說經義未幾
改授提學 勅諭專以正文體端士習為先務即近科
所取士詞意稍涉佛老怪僻大行黜革不少貸又 命
國學重脩十三經註疏及二十一史以定士子之準繩

故邇年以來博士家言漸返先秦兩漢之舊我 皇上
久道作人之功信不誣矣

續文獻通考卷之一百九十八終

續文獻通考

卷之一百九十八

四十一

